Зунттал 600

Хъаннинсса ва кулпатрансса журнал

№ 2 / 2025

Тти заманнул хъамитайпа

Элмийсса ирс бачин бувмур Литературалул лажин

Чявхъа бутІин хьхьичІсса хьхьу Инсан

ЦІушив, ххалаххив ва шеърирду ХьхьичІунсса инсантурал оьрму

Оърмулул дус





Луиза Шахдилова

Гьарца роль – цІусса оьрму

«Женщина Дагестана» на лакском языке

№ 2/2025

Учредитель:

Агентство информации и печати

Республики Дагестан

Главный редактор

Х. А. Шамилова i-dag@mail.ru

Редакционная коллегия:

заместитель главного редактора

sulgi65@mail.ru С. Х. Булгаева

Ответственный секретарь

Н. М. Керимова kerimk@mail.ru

Редактор русского выпуска

Г. Х. Асадулаева musaeva gulnara@mail.ru

Редактор аварского выпуска Б. Ш. Мухидинова

bahu4y@mail.ru Редактор даргинского выпуска

П. Г. Вагидова vagidova.2024@mail.ru

Редактор кумыкского выпуска

П. Х. Хайбуллаева bike-1970@mail.ru Редактор лакского выпуска

А. Ю. Абдурахманова

delia25@mail.ru

Редактор лезгинского выпуска

shikhnabieva1981@mail.ru Н. Н. Ибрагимова Редактор табасаранского выпуска

С. М. Исрафилова

suvaynat@mail.ru

Корреспонденты:

А. Тажудинова

В. Ратенкова

Р. Бакилов Заведующая редакцией

С. М. Гамзатова

Художественный редактор

Г. А. Курбан-Адамова gulevmat@mail.ru

Адрес редакиии и издателя:

367018, Республика Дагестан,

г. Махачкала, пр-т Насрутдинова, 1а.

j-dag@mail.ru; zhenshina_dag@e-dag.ru

Журнал отпечатан в типографии:

ГАУ РД Издательский дом «Дагестан».

г. Махачкала, пр-т Насрутдинова, 1а.

Телефоны редакции:

65-00-36, 65-00-37, 65-00-39, 65-00-40.

Официальный сайт

журнала «Женщина Дагестана»:

женщинадагестана.рф

Дата выхода в свет 25.04.2025 г.

Формат бумаги 70 х 100 1/16.

Объем: 5,5 усл. печ. л.

Заказ № 0405. Тираж (4021) 489 экз.

Журнал для семейного чтения. Издается с 1957 г. Выходит на аварском, даргинском, кумыкском, лакском, лезгинском, русском, табасаранском

языках один раз в два месяца.

Свидетельство о регистрации СМИ ПИ

№ ТУо5-00429 выдано Управлением Федеральной службы по надзору в сфере связи, информационных технологий и массовых коммуникаций по Республике Дагестан.

Арт-директор - М. Ю. Моллакаев (MagHazar) **Фотограф** - Д. А. Джамалова

Журналдануву бумур


- 1. Жунна аьркинмур ххувшавур!
- 2. Театр Гьарца роль – цІусса оьрму
- 5. Аминат Даххаева: «Жу жула оърчІру захІмат буллай аьдат байссия»
- 11. Тти заманнул хъамитайпа Элмийсса ирс бачин бувмур
- 16. Гай буссия цалчинминнаву Коллегал аьпалун
- Литературалул лажин Чявхъа бутІин хьхьичІсса хьхьу
- 22. Ттул Лагъусттан Зунттавусса къатрал рухІ
- 24. Инсан ЦІушив, ххалаххив ва шеърирду
- 29. Циннара цІа кусса даву Следственный комитетрал даврия
- 32. Аьдатру МукьцІалва хІаллу
- 34. Ттизаманнул хъамитайпа Балайчи. Педагог. Дакьаврил вакил.
- 38. Юбилей Дуснаясса махъ
- 40. Гъазимах Гаммад Гъалбац Гов Шанна тІутІи
- 42. CBO «Спецназрал дада»
- 46. Юбилей Тубхат – жул «Ххаришиврул министерствори»!
- 50. ХьхьичІунсса инсантурал оьрму Ормулул дус
- 54. Сагъсса история ТІутІал кацІ

POST scriptum

- 58. Призвание Профессия – это судьба
- 62. Здоровье Детские стоматологи – немного актёры и психологи

На обложках:

I – Луиза Шахдилова – народная артистка РД, ведущая актриса Лакского муздрамтеатра им. Э. Капиева IV- Мушаилов М. Х. (1941-2007). День Победы - встреча с ветеранами республики (1985). Холст, масло.



КІиазарку шиннардил дайдихьулий Литературалул институтраву дяъвилул прозалун хас бувсса семинарданий ххал дигьлай диркІссар дяъвилия бусласисса литературалул актуальныйшиврийн дагьайсса тема. Фашизмалул жанаваршивуртту цала янин ккаркми сагъну буссаксса, му тема искусстволува, гьай-гьай, къадуккант Іиссар тІий. Амма, я Зал! щин пикри хьунссия цахъис хІаллава жувагу, ххувшиву ларсминнал оьрчІал-оьрчІру, цІунилгу неофашизмалул ва нацизмалул проблемарттащал хьуна бакьинтІиссару, специальный военный операция баян бантІиссар, му неофашистътуращалсса талатавриву жула оьрчІал жанну кьурван дуллантІиссар тІий!? Дагъусттаннаясса сайки циняв аьралитурал чувшивурттал хъунмасса асар биян буллай бур. АцІния шама Аьрасатнал Герой дагъусттанлув – му уку-тукунсса зат бакъар, щукру Заннайн, миннавасса цаппараннал му цІа сагъну буна ларсъсса, цаппараннан тІурча, цуксса хІайпнугу, талатавриву ливтІуну махъ дуллуну дур. Ми цинявгу - щил-бухьурчагу арсрурхха.

ХІакьину на хІайран буллай бура аьралий геройтурал цалва бакъасса-

гу, миннал ниттихъалгу – виртталсса арсру хъуни бувсса Дагъусттаннал хъаннилгу. Царагу ниттил арс дяъвилун хъуна къаайссар, ми хъуни байссар паракъатсса оьрмулун, мукунсса оьрмулухру жува даингу, хӀакъинугу мякъсса. Жунна аъркинмургу ца дур – ххувшаву, ччива му вакссара ххирану къадацІларча.

БувчІлачІисса зат бур 2025-ку шин, РФ-лул Президент В.В. Путиннул указрайну Буттал кІану буручлачиминнал шиншиврий баян баву. Ва шинал жува кІицІ лаглай буру Хъунмасса Буттал к Ганттул ц Ганийсса дяъвилуву Ххувшаврил 8о-шинал юбилейгу. Я Дагъусттаннай, я Аьрасатнаву цуппа ца кулпат бакъассар инсаниятрал тарихраву цияр чІявусса оь экьи къабувтІусса дяъвилия асар къабивсса. Ва арулва мазрай буккайсса, кулпатрансса ца бакъа бакъасса журналданул редактор хІисаврай, ттул ца дуаь дур Ляхъан бувманайн: Я Зал, Ххувшаврил 8о шин шаву СВО-лувугу Аьрасат ххув хьусса шин хьуннав, циняв ниттихъангу къисмат хъуннав цала арсурваврайн хъямала багьан!

> Хамис Шамилова, хъунмур редактор

> > 1





2 / 2025

Гьарца роль – цІусса оьрму

Гьарица актрисал къаучинтІиссар цинма театрданулгу, актёртуралгу, режиссёртуралгу чулуха тІайлабацІу хьуссар куну. Цавай бикІай я къалачІун нигьа бувсун (актёртал, туну, мукунсса затирттайн вих шайсса бикІайхха), цавайгу бикІай цала гьунарданун уттигу багьайсса кьимат къабившуссар тІий...

НухІлул душ Луиза Шахдилова, ДР-лул Халкьуннал артистка, Апанни Къапиевлул цІанийсса Лакрал музыкально-драматический театрданул хьхьичІ ххуттавусса актриса ляличІисса инсан бур: ихтилатраву тІааьнсса, сахІналий пар личлачисса, щихачІав къалавхьхьусса ва циняв хІайран байсса. БакІ-чурх бювхъусса Луизал цал ккаккайхтува зритель мукІру ай цила актёршиврул пагьмулийн, цилагу вана сайки 40 шинай сахІналий ххаллилсса чІалачІин дур, ччарча драматический, ччарчагу комический ва лирический рольлу дугьлан.

Лакрал театрдануву ва къуллугъ буллай бур 1986-ку шиная шийнмай, гъирарай щаллу дуллай бур агьамми рольлу классический спектакльлай ва ттизаманнул пьесардаву, балайчинугу буккай концертрал программардаву ва театрализованный представлениярттаву.

Луиза Шахдилова – жура-журасса рольлу дугьан шайсса актриса бур, амма ихтилатраву мукІру хьунни, гъирарай дугьара комедиярттавусса рольлу куну. Цинна ца яла ххирамур роль дусса дур А. Цагарелил «Ханума»-лувасса Кабатолул образ. Гьамин вана ва рольданухлу «Лучшая женская роль» тІисса номинациялий ванин буллуну бур диплом ва премия Владикавказрай хьусса «Сцена без границ» тІисса IV-мур Дунияллул

миллатирттал театрдал фестивальданий.

- На ва спектакльданух ялугьлайнма бикlайссара, цукунсса-дунугу «хулиганшиву» дан, импровизация дан, - тlий бур артистка.

Ванин ххирасса комедийный рольлу дур: Илонка М. Митровичлул «Хьхьудяризалсса хъямалашин», Таммалшиву С.Увайсовлул «Аьли ва Таммалшиву», Леонсия А. Портеслул «Цимурца бакІра-къутталийсса къатта», Соня В. Эфендиевлул «Умудирттал щаращи» ...

- Мяйжаннугу, ттун комедиялувусса рольлу ххирар, амма чІявумур чІумал ттухьхьун драматический рольлу дуллан бикІай.
- Винна яла агьаммурну цумур роль чІалай дур?
- Ттигъанну на дугьав Чингиз Айтматовлул «Ниттил хъу» тІисса хавар гьанусса спектакльдануву Толгонайлул роль. ТІайламур бусан, ттунна дакІний-мазрай дакъасса ва роль дугьан хьунссар тІий бакъассияв. Ттун муксса ххуй бивзуннихха Толгонайлул монолог! Га бур ниттил къювулул вибувцІусса, ца ссихІирай, кьакьари ххябуккавай буккин аьркинсса. Ттун хьхьичІва ччан бикІайва, нава лакку мазрайн таржумагу бувну, га ттула сольный выступлениярттай буккин.

Шиккува учин, «Ниттил хъу» Чингиз Айтматовлу хъун бакъасса кьиссар, дяъвилун хас бувсса...



«Луиза Шахдиловал Толгонай дакІ гьулусан дулллисса бур, мукунна гайми актёртуралми рольлугу. Щалла спектакльданувух рефрен кунма нанисса балайлулгу мува асар биян бай: «Уртту дакъаний – тІутІий, щин дакъаний – щаращий...» Ва дур хъамитайпалул-ниттил, хъамитайпалул - ужагъ ябаймунил образ, ца цилвамур бакъача, щалва билаятрал ужагъгу ябуллалисса! Дяъвилул, лавгминнахсса къумашиврул хIасрат Нину дур Къурнийн тапшур дуллай. Хъу – ва дур ца яла аьаммур персонаж - ванищал бур Толгонай гъалгъа тІий, ва бур ванил оьрмулувусса чул бищай кІану. Дяъви хьун хьхьичІ ххаришивуну диркІсса хъунил даву утти хьуну дур дяъвилий ливтІуми, цила къюву хъамаритансса кумагнугу – му бур хьул, дяъви къуртал хьуну махъ бучІантІисса чаннасса оьрмулийнсса хьул ...

Дяъви! Жунма баллай бакъар талатаврил гургу, пІякь-шякь – ванахха му шикку, чІаравва, Толгонайлул къюкІливух буклай бур арс фрон-

трайн увцуну нанисса эшелондалущал архІал, ганал муххал ххуллийн ливчусса, цІукугу бусса вичІивду кьяпущал, нину дур кьяпуйн хъямала дагьлай, поезд къабацІантІишиву кІулну...»

«Дяъви – вана чІаравва, бивкІулул майданнив нанисса арснал чагъардануву. Дяъви – вана, цала махъва-махъсса къалмул ккукку бугьан гьаннаран буллалисса хъанниву, хъарас кІункІу дуллалисса, микІларчІсса аьрщи кулунгирттах дихлахисса хъанниву, дяъви бур гьарца къушлий, гьарца кулпатраву. Дяъви – гъюжу бувксса хияллу, гъаргъсса дакІру, бивкІу...

Амма дур Нину! Инсаннал Нину ва Нину-Аьрщи! Дур ниттил хъу, му аьркинссар цила чІумал дугьан ва халкьунначІан буллугъсса дучІияну занадикІан...» – укун буслай бур зрительтал Луиза Шахдиловал ккаккан дурсса образрая.

-Хъамитайпалул гуж – му ганил заэвшивури учай циняннал. ДакІ къянкъасса, ялун бивмур бухІан шайсса хъаннил рольлу дугьлагьийни, ттун бигьану къабикІай ттувура мукунсса хасиятру лякъин, амма на ми лякъара.

Актрисахь цувххукун, цумур рольдануву ина вихава инава лавхьхьуну ливчІра куну, ванил увкунни цичІанна яла гъанмур сипат Ккурккуллал Щазалмур дур куну.

Магьирну Луиза Нуховнал щаллу дурсса роль дакІний личІай героинял хасият ккаккан даврийну, дакІнивун дюхлахисса драмалул ноталийну.

К.Мазаевлул «Удрида-бава» тІисса спектакльданувасса ванил Зунзул – му дур азарахъул зунттал хъаннивасса цаннил образ, миннан хьхьичІ-ххуттай чІалай бур цала ас-намус буруччаву. ТІайлабацІу бакъасса ташулуву цал бяйкьусса нач-ламус дусса жагьилсса хъамитайпа, Шахдиловал Зунзул бур цал ттигу бяйкъакьин нигьа буслай, цила дакІниву цаманал чулухунмай лявхъусса асарданущал талай.

Расул ХІамзатовлул поэзиялийн хъарсса «Оьрмулул чарх» тІисса музыкальнй спектакльдануву Л. Шахдилова щаллу дуллай бур Щялмахъращал талатисса ХІакьмунил жаваблувсса роль, му талатавриву дуручлай тІайлашиврул ва аьдилшиврул кьанунну. Мура спектакльдануву мунил увкусса балай «ЛухІи лачак» – цуппава бур чІирисса спектакль, гьарца зрительнал къюкІливун ххуллу ласайсса.

Актрисащалсса ихтилатраву жу бавцІуссияв ттизаманнул тамашачитурайгу.

– Махъ ппурттуву тамашачитал образованиелул чулуха хъхьич!ун-майсса бур. Гъирарай буч!ай жул спектакльлу ккаккан. Сайки даин зал бувц!уну бик!ай, циняв билетру бавххуну.

Луиза Шахдиловал сахІналий ляхъан дурсса образирттая гъалгъа

тІутІийни, кІицІ къаларгун кьаритан къабучІир У.Шекспирдул «Ромео ва Джульетта»-лувасса сеньора Капулеттил образгу. Артисткаща бювхъуна Капулеттихъанний хъанахъисса личІи-личІисса иширттаву даххана хъанахъисса цила героинял хасият ккаккан дан.

Г. Лоркал « Бернарда Альбал къатта» тІисса спектакльданувасса Амелиягу, ЦІ. Камаловлул «Хан Муртазали»-лувусса Итаргугу цанниха ца къалархьхьусса, кІира личІисса, хъунмасса захІматгу, дакІгу дишин багьлагьисса рольлу дур. Тамашачитал вих хьунну образ ккаккан дан Шахдиловал лякъай аьркинсса пластикагу, сукку-кьютІугу.

Луизан цуппа хъунмурчІин театрданул актрисану, тІайлану учирча – балайтІи актрисану чІалай бухьурчагу, ванил байраннал концертирттай, поэзиялул вечердай цилалу учайсса балайрдал репертуар дур мяъналул чулуха куртІсса, формалул ва содержаниелул гармония дусса. Ванил балайрду дакІний личІлай бур лирика ва драматизм хІаласса, щаллу бавриву ва стилистикалуву цашиву дусса бушиврийну.

-Балай учайми актёртурал, ттунма чІалачІиссаксса, концертирттай укунмасса вокалистътураяр ххуйну учай балай, цанчирча жун гьарца балайгу – му спектакль дикІай. Ттун хъинну ххирар хъунисса столицалул театрдал актёртуралгу, гьай-гьай, ттулами коллегахъалгу балайлух вичІи дихьлан, – тІий бур Луиза.

Солистка-вокалистка хІисаврай, хІакьину Шахдилова гьуртту хъанай бур республикалул чІярусса мероприятиярттай – Ххувшаврил Кьинилун, АьФ-рал ва ДР-лул Конституциярттал Кьинирдан хас дурсса ва цаймигу мероприятиярттай.

Ахир 41-мур лаж.

Аминат Даххаева:

«Жу жула оьрчІру захІмат буллай аьдат байссия»



Бугьараминнал хІурматгу, миннах вичІи дишинсса гъирагу ттучІа мудангу буссия. Утти му оърмулувун навагу бивну бунува, ххирар оьрму лавгсса инсантуращал хьуна бакьлан, миннан бавмур, ккавкмур кІул буллан. ХІайран шара миннал цІакьлий, ссавурданий. аькьлулий, оьрмулул миннан лахьхьин бувмуний. Минналлихха, жула ниттихъал, амудадахъал, жунма ниттил мазгу лахьхьин бувсса, жувура буттал кІанттухсса ччавугу дирхьусса, зунттал халкьуннал тІул-тІабиаьт, аьдат-эбадатру кІулну жува тарбия бувсса. Чувшивугу, ас-намусгу, кІулшивурттугу, гьунардугу бусса арсру-душру хъуни бувсса ниттихъул мудан жунмагу, жула оърчІан ва оърчІал-оърчІангу эбратну бивкІссар уттигу буссар.

* * *

...Аминатлун макІра кунма дакІний бур ярагъуннил балгусса инсантал Ккулув цаннийнма бувкІсса. Мугьлат бакъа хІадур хьияра куну бур, зу арив бизан буллалиссару куну. ДачІра лирчІсса къатригу лекьа-пІякьу дуллай бивкІун бур.

- Бизан буллалисса халкьуннан шанма кулпатран ца аьрава дуллай бия. Ниттил на аьравалттий паракьат бувнав, инжитсса чІивима уссу карав увцуна, махъми уссурвал-ссурвал бахьтта бавчуна. Ликказан дан рухсат буллуна так ЦІахъардал къуманив, мугу – ххуллийх ливтІуми буччин багьлай бия. Та чІумал чІявусса оьрчІру ливтІуссар...

Бизан буллай бия циваннив так щахъами, къари-къужри, ятинтал, – тІий бур Аминат, иттату макьгу лихьлай. – Ттун та чІумал ряхра шин дия, ппу акъая. Цимурца утти ттуруллувух кунма чІалай бур. ДакІний бур бацІан къабитлай бивкІсса, я дукра, я щин къадулайва, чІявусса бия сагъ чансса. Ахиргу жу ликкан бувнав. Хъуними чуннив лавгуна, жугу, сукку машари куну, кьабивтун. Амма оърчІру бацІайссияв – лавгру кІану



Душваращал

ххал бан. Арх бакъа бия мизит, жу гивун бурувгссияв: дакъасса дакъая гиву. Шкафру, никІил дурксса тахру, гьаржри, пюрунчІул, ххуйсса столлу, кІантту...

Шяраву ххуйсса къатригу дия, пукьригу бия, ца пукьа жунгу ккакан бувна. Ганил чарав хъутагу дия, яла махъ ттун бувчауна га бакалахъия дишайсса каланг диркашиву. Гиву бия мюршсса нувщул бача дарваг, ганил ялувгу – ца чалудикал чулгу. Цукссагу хал хъуна ниттил гайннуйн ка щун нигьа дуслай...

Га диркІун дур чачаннал шяравалу ГІачалкъа (цухьрал кІану). ЦІанасса ЦІусса Ккул. Зунттал гьавалий аьдатсса лакран га кунцІуллив гьарзасса арнил кІанай аьдат хьун захІматну бивкІун бур, азарду диллан диркІун дур – малярия, холера, туберкулез ... Шяраву цІуллу-цІакьсса



Нину барча дуллай

арантал къабивкІун бур, ливтІуми буччин багьайсса бивкІун бур хъаннин ва оърчІан.

- ДакІний бур МахІачкъалалия врач-инфекционист Круглова бувкІсса жу хъин буллан, - буслай бур гихунмай цила хавар Аминат. - КьурчІива-кьурчІисса хинин булайва, щаралархъсса дакъа щин махІачІаванни куну дюъ дишайва. Ттул уссурвал АхІмад, Ибайдуллагь ва МахІаммад мюрщину бунава ливтІуна, ми захІматшивуртту, азарду духІан къархьуну.

Хъуру дугьансса аьрщивгу чанну диркІун дур. ВацІри кьукьлай, аьрщи дихлай дурну дур хъуру. Бугьлан бивкІун бур къама, багъру буллан бивкІн бур, зунттаву кьариртсса цала буттахъал аьрщивгу дакІния къадуклай.

-Норма биттур даврих 5 ххункІ булайва, гайгу звеньевойну зузисса ниттил, цила къабувкуну, жун лавсун дучІайва, циларив лархьхьунакьлий гьашиву дайва. Райондалия буклакисса кІанай детдом тІивтІуна, шяраваллил оьрчІру детдомравуминнай мяшну бикІайва – тикку тайннан дукра ххуйну дулайва...

Дяъви къуртал хьуна, амма ялагу оьрму ххуттавун багьлай бакъая. БакІбукканшиврул хъунмасса захІмат буллан багьлай бия. Жугу циняв зий буссияв: хъунмур ссу Къурбанат, уссу Аьрипуллагь ва на. Аьрипуллагь хІухчушиву дуллай ия. Нагу къушлийн гьан бувнав хІухчалтран дукра дуллан. Та чІумал ттун І6 шин дия. На так шанма классри къуртал бувса, гихунмай дуклансса пикривагу бакъассия. (Аминатлун ххаллилну кІулну бур ниттил мазрай буккинчичин .) На доярканугу бивкІссара, колхозрал ахъувугу, хъувгу зий бивкІссара. Зукъазисса чІун дакъассия. Ца шинава щар хьуссара.

Ттул лас МахІаммагу хІухчуя. 40 шин дурссар ганал хІухчуну. Передовик-я, грамотартту, наградартту ларсъссар, захІматрахлусса премиялун машина «Москвичгума» буллуна. На колхозраву зий буссияв. Арулва оьрчІгу хъуни бувссар. Оьрму хІалли-хІаллих ххуй хъанай бия. Жул кулпат шяраву эбратран бихьлан бикІайва: буттал арсру каникуллай цачІанма хІухчушиву дуллан буцайва, душру, ичІаллилмур кушу баврицІун, ниттин къурувгу, ахъувгу кумаг буллай бикІайссия... Жу оьрчІру захІмат буллай аьдат буллай буссияв.

Та чІумал колхозниктурал лякъаймур укунмасса КЪУЛЛУГЪЧИТУрал харжирдаяр хъуннасса дунугу, МахІамма Даххаевлун оьрчІру дуккин бан ччай ивкІун ур. Ганал учайсса бивкІун бур: «Буттал буржри цалчин душру дуккин бан: гай арантураяр заэвссар, оьрмулуву ци хьувив къакІулссар, сянат духьурча, ччиний ччатІ букантІиссар. Арантуран бигьар, хIазраннив миннайн арантал учайсса? Цалассагу цала бувну, цала кулпатругу ябаншиврул бакъарив ми аранталну лявхъусса!» - куну. Аьпа баннав цал, 2005-ку шинал MaxIaмма дунияллия лавгун ур.

Даххаевхъал арулвагу оърчІал ларсъссар специальностъгу, образованиегу. Хъунаманал, МахІаммадлул, ДОСААФ-рал школагу, механический техникумгу къуртал бувну, зий уссар водительну. Муслимлул Могилёврай юридический институт къуртал бувссар, зий уссия шиккува, ЦІулаккуй. Сиянат хІакинни, Индира – учитель, Мажид – юрист, Залимхан –правоохранительный органнал сотрудник, чІивимур – Светланагу – зий бур МахІачкъалалив 3-мур роддомраву медсестрану. Даххаевхъал хъунмасса кулпатраву бур 2I внук, 35 правнук.

Аминатрив цІанагу зийнма бур. Зунттал хъами пахру-ххара бакъасса бикІайхха, ванилгу къабувсунни цила чІярусса грамотартту ва наградартту душиву, миннуву дур Дагъусттан Республикалул хІурматрал знак «За любовь к родной земле», Хъун дяъвилуву ххув хьуну 70 шин шаврил юбилейрал медаль, Госдумалул депутатнал Н. Нурбагандовлул барчаллагърал чагъар...

Пенсиялийн бувккун махъгу, арендалий ахънил гектарду ларсун, ахъулссаннул мурхьирдаха къуллугъ буллай бивкlун бур – мурхьирдайн аьрщи диян дуллай, уртту дурчІлай, обрезка дуллай, ахъулсса дартІун, колхозрайн диян дуллай. 70 шин хъуну махъ «хІалалсса дигьалагрулийн» лавгссар учирчагу, Аминат пачлих



Кулпатрал дуснащал

щябивкіун бакъар, оьрчіай ва оьрчіал-оьрчіай бигарду бихьлай. Кулпат бухмур Ціуккулув бусса чіумал ичіаллилссагу, мюрщиминналссагу буллай бивкіун бур. Ціана ва бур Новостройраймур Ціуккулув арснащал — Муслим Махіаммадович Даххаевлущал ва ванал кулпатращал яхъанай.

* * *

25 шинал хьхьичІ щалва билаятрайн аваза багьссар Дагъусттаннал халкьуннал гьунардания – ярагъуннищал бувкІсса международный террористурал кьюкьрал хьхьичІ бавцІуну, ми жула аьрщарая лихъан бувссар.

Ватан дуручлай бивкісса къучагътурал ціардаву дагъусттанлувнал хъинну хіурматрай зумух ласайссар Новолакский милициялул начальникну ивкісса Муслим Даххаевлул ціагу. Ганал чувшиврийну ва бюхъулийну ххассал дурссар Липецкий ОМОН-далул отряд. Боевиктурал командирнал: «Зунма биту-ххитулувух ххуллу тіитіиннуча, Липецкий ОМОН-далул талаталт жухьхьун булара», – увкукун, «Жу жулами къабаххайссар», – укунсса жаваб дуллуссар Муслим Даххаевлул.

Липецкий ОМОН-далул командир Сергей Сковородин тІий ия:

-Вай цІиникъру кунма сивсусса зунттал агьулданул, цала хъамал буруччаврил аьдатрай, военнослущийтал мюхчан буллай бия. Майор Даххаевлулгу жухь увкуна: «Бандитътурая нигьа мабусари, тайннал зучІан ххуллу ласунтІисса так жул жул нуркІрайхри», -куну.

Яла диркІссар операция «Телевышка», тиккугу милиционертурал къучагъшиву ккаккан дурссар. Тайннал махъва-махъсса махъру бивкІссар: «Даххаевлухь бусияра на хъхьара къадуршиву!» – мукун хъуннасса дия цала начальникнал, ганал чувшиврул авторитет милицалтрачІа.

Цала Ватан дуручлай М.Даххаевлул бувсса захІматрахлу ганан дуллуссар Оден мужества, Орден Отваги, ДРлул яла бюхттулмур награда – орден «За заслуги перед Республикой Дагестан», медаллу ва ведомстволулгу чІярусса наградартту.

– Ми ишру хьун цаппара гьантрал хьхьичІ на ччан гъавгъун шаппа утту бивхьуну буссияв. Муслим райотделданува уклай акъая. Лагайва кІюрххил ччяни, кІура аяйва хьхьувай махъату. Тагьар паракьатсса дакъар учайва. Та кьини кІюрххицІун жун биту-ххитулул, пІякь-шякьлил чІурду баллан бвкІуна. Ттун кІулссия арс райотделдануву ушиву. Хъинну нигьа бувсун бияв, - къума лаглай бур Аминат Муртузовна, та чІун дакІнийн дагьну, – банмур бакъашиврул аьтІий буссияв, Заннайн лабизлай буссияв, жуламиннан кумаг чІатІий. Нагу, кІива зурухьсса оьрчІащалсса хъунмур душ Сиянатгу цаппара гьантрава цичІанма МахІачкъалалив бувцунав Муслимлул щарссанил АтІал, амма ЦІуккулувва буссия ппугу, чІивимур душ Индирагу. ЦІуккулув 40-ннайн бивсса ополченцыгу бивкІссар, Индира гайннан циняннан дукра дуллай бивкІссар. Жулми къатраву диркІссар Липецкаллал ОМОН-далул отряд. Душ буттачІангу занай, гиккугу дукра дан кумаг буллай бивкІссар (ЦІулаккуя бувккукун, Муслимлул циняв Липецкаллал омонвцы цачІанма шаппай бувцуну, къучагътал кунма кьамул бувну бивкІссар).

На ттулагу, ттула оьрмулул инсантуралгу балаллий бакъаяв: жу биялсса бувхІуссар, оьмургу, хъинмургу ккавкссар, гъанминнал бивкІурду-ΓV. оьшивурттугу. Ттупангирттах хьхьичІ бавкьуну шилун бизан бувссару, ва аьрши жула кІусса захІматрайхчІин тІутІайх дичин дурссар. Жул оьрчІан ва оьрчІал-оьрчІан ва кІану цала ватанну чІалай бунугу, жула гъанминнал гьаврдугу шикку дунугу, жу рязи хьуссару Новостройрайн бизан, амма бандитътуран вагу гьа хьуну бакъая. Цала жаннай хIайп къакуну, жува циняв ххассал бувминнаха на хІакьинугу дуаьлий бура. Заннал цан алжан булуннав, цІана сагъсса миннал гъанминнахьхьунгу ссавур дулуннав...

* * *

Жу Аминат Муртузовна ДаххаевачІан хъамалу бувкІун, ванил цила дурсса дукрардал, пулаврая ххунчІайн бияннин, чІюлу бувсса стоданух щябивкІун буна, «ца минутІрайса увххуна чабувкру учин» Муслим МахІаммадовичгу, хъунисса тІутІал кацІру буллуна ниттингу, ттунгу.

- Ванал ттун даин тІутІив ласайссар, - пиш увкуна Аминатлул, арснайн хъямалагу багьну. - ОьрчІан кІулссар на ххари бансса куц.

Ттунгу цакуну ттула буттал ххару дакІнин багьуна:

На махІаттал шара жула ниттихъай: Шинну чІарах дурккун, агьил хьувкунгу, ОьрчІнува буру жува ниттихъан.

Аллагьу Тааьланал жула ниттихъал оьрмурду лахъи баннав!

Аьжа АьбдурахІманова

Элмийсса ирс бачин бувмур

Бакъахьунссар Дагъусттаннал аьлимтураву, хаснува лакраву, Султановхъал кулпатрая къабавсса, къакІулсса. Киров Абакарович, СССР-нул ва РСФСР-нул просвещениялул отличник, Дагъусттаннал лайкь хьусса учитель, философиялул элмурдал кандидат. Дагъусттаннал Педагогикалул институтрал кафедралул доцент. АцІнияхъайсса шиннардий Лагъусттаннал педагогикалул институтрал музыкалул ва педагогикалул факультетрал декан.

Гулизар АхІмадовна, Аьрасатнал театровед, театрданул тарихчи, литературовед ва таржумачи. Искусствоведениялул кандидат, Аьрасатнал элмурдал академиялул Дагъусттаннал элмийсса иентрданул хьхьичГунсса элмийсса зузала. Аьрасатнал искусстволул лайкь хьусса ишккакку. Дагъусттаннал ПаччахІлугърал премиялул лауреат. Аьрасатнал Театрдал ишккаккултрал союзрал Дагъусттаннал отделениялул критикалул секциялул каялувчи. Лайкь хьуссар Дусшиврул ордендалун, «За трудовую доблесть» медальданун. Дагъусттаннал театрдал тарихрал музейран дуллуну дуссар ванил цІа.



Киров ва Гулизар Султановхъул

Султановхъал бивтун бур яргсса оьрмулул ва элмулул ххуллу. Ташурду ЗанначІари байсса учайхха, Заннан ччан бивкІхьунссия вай цаннан ца нясив бан. Мукссава цаннацІун ца бавкьусса бия. МарцІсса эшкьи-ччаврил гьанулий щавшсса кюругу цІакьсса, эбратрансса хьуну бур. Вайннал хъунма бувну бур кІива душ ва арс. Светлана бур ДГПУ-рал хасъсса ва клинический психологиялул кафедралул доцент, щаллу бакъасса оърчІансса педагогтал хІадур байсса факультетрай зий. Ванил ссу Мисиду (аьпабаннав) буссия аспирантуралуву дуклай ва дагъусттаннал халкьуннал костюмирттал историялуха зий. ХІайп ччяни дунияллия лавгунни. Мисидул чивчусса «Дагъусттаннал хъаннил костюм» тІисса лу яла махъ Гулизар Султановал итабавкьунни. Абакар, ккарчІал хІакинну зий ур. ЧІявур вайннал оьрмулуву дакІнийн бичинсса яргсса лахІзарду.



Школагу арцул медальданий къуртал бувну, Киров увххун ур Дагъусттаннал университетрал математикалул факультетрайн. Гихунмайсса оьрмурив философиялуцЈун ва музыкалуцЈун бавхЈусса хьуну бур. Хъярчлий цала учайсса куццуй, шанна агьамсса элмулул: математикалул, философиялул, музыкалул лахъазантту лархъсса аьлимчу ия Киров Абакарович.

– Ттун хІакьинусса кьинигу дакІний дур буттал дурчІин дурсса математикалул дарсру. Мукун ххуйну дурчІин дайвахха, ца чІумал му аьличІан ан къасивсуну, дарсирдайн къалавгссияв. Жу бачІи махъ бусаннинма куннан ку бувчІайвав, – тІий бур душ Светлана Амирова. – Гьарзатраву низам ххирасса, жаваблувсса ия. Ххирая хъярч-махсартту буллан, ия дакІ аьчухсса. Инсантуращал маз лякъин кІула.

Нину дия ляличІисса караматшиврул, яхІ-къириятрал заллу, мукъувугу, тІуллавугу уздансса, гьарица ишираву тІайласса, аьркинсса куццуйсса. Ттувура цания ца мунил хасият духьурча, ххарину бикІавияв, Аспирантуралувун ухханнин Киров Абакарович зий ивкІун ур Ккуллал школалий директорну. Му чІумала комсомолданул райкомрал Цалчинма секретарьнугу. Му ппурттуву, жяматийсса иширттал ххуллий цалчин хьунаавкьуну ур яла цала оьрмулул дусну хьусса Гулизардущал.

Буйнакскалий педучилище къуртал бувсса Гулизар зий бивкlун бур Гъумук, школа-интернатрай тарбиячину, яла комсомолданул райкомрал секретарьну. Мичча байбивхьуну бур ванил искусстволувунсса ххуллугу, талихlрал ташулучlансса ххуллул дайдихьугу.

Гъумук комсомолданул собраниялий ккавккун ябавцІуну бур Кировлун Гулизардуй.Чичру духьунссия, хархавар бакъанма вай цІунилгу хьунабавкьуну бур, цивппагу Кировхъал шаппа...

Гъумуксса Лакрал театр гастроллай Ккулув бувкІун бур, миннащал ПартІу ПатІимал роль дугьлагьисса Гулизаргу.

Аьдат диркІун дур жяматрал артистътал хъамалу буцайсса. Кировлул ссурваврал бувцуну бур Гулизар

ва цамур актриса. Комсомолданул собраниялий ябавцІуну бивкІсса душ утти цала шаппа тІайлабавцІуну, махІатталгу, ххаригу хьуну ур. Мунияр махъ Киров армиялийн увцуну ур. Тиха ччя-ччяни чагъарду чичайсса бивкІун бур му ппурттуву Гъумучатугу лавгун, Ленинградрай Театрданул ва кинорал институтраву дуклан бувхсса ГулизардучІан.

– 200 чагъар буссия цаннал цанначlан чивчусса тІий,– буслан бикІайва нину-ппу, – бувслай бур Светлана.

Арс щар дуцин ччай ушиву ва мунан Гулизар ххуй бизлай бушиву бувчІукун, Кировлул нину дахьтта ларгун дур Ккулату Кумав душ була учин.

Вайннал ташу бувсса чІумалгу Гулизар дуклай буну, Кировлунгу Ленинградрайн гьан багьну бур мунил дуккаву къуртал хьуннин. ЧІун оьнна гьан дан къаччисса, элму ахттар дан гъира бусса цувагу увххун ур аспирантуралувун.

Светланагу Ленинградрай бувну бур, Гулизардул диплом буручлачисса

ппурттуву. «Ттул «Рожденная в Ленинграде» тІисса медальгума дуссар. Та чІумал мукунсса медаллу дуллай бия», – пиш тІий бур Светлана.

Дуккаву къуртал шайхту кулпат Дагъусттаннайн зана хьуну бур. Гулизар АхІмадовна зий бивкІун бур радиокомпаниялий режиссерну, ДЭАлул искусстволул отделданий. Шикку зий бунува очнайну бувххун бур Ленинградрай аспирантуралувун. ЧІчвисса Светланагу оьрчІал багъравун биян буллай, шанна шинай аспирантуралуву дуклай бивкІун бур.

І974-ку шинал лайкьну диссертациягу дурурччуну, нину Элмуракадемиялул филиалданий дал хьхьичІунсса элмийсса зузала хІисаврай зун бивкІун бур. Ва хьуну бур Дагъусттаннай цалчинсса театровед, – дакІнийн бутлай бур Светлана Кировна. – Цила оърмулул махъсса ацІра шинал лажиндарай ванил итабавкьуну бур Дагъусттаннал искусстволуцІун ва культуралуцІун бавхІусса ряхва лу. Сайки кьура шин дурхьунссар Лакрал театрдануву зий Гулизар АхІмадовнал. Шиккугу цила пиша-



Светлана Амирова арсурвавращал МахІаммадлущал ва АхІмадлущал



Арснал душваращал

каршиврул даража, кІулшивуртту, бюхъу-бажар ккаккан бувну бур.

- ОьрчІру мукъурттийну къабайссар тарбия, ми нитти-буттал эбратрайнур тарбия шайсса учай. Жун мудан, гьарица шаттирахун, эбратну хьуна нину-ппу. Гьарица ишираву цаннацІун ца бавкъусса, цаннал хІурмат цаннал бусса, нахІу-хІалимсса. Жун мудан асар хъанан дикІайва нитти-буттал ччавугу, аякьагу, тІий бур Светлана.

Укунсса кулпатраву тарбия хьусса душ элмулул ххуллийх лагаву бувчІлачІисса зат бур. Цамур куццуй бикІангу къабюхъайва. Светлана бувххун бур тай шиннардий Дагъустаннал Педагогикалул институтраву цІуну тІивтІусса дошкольный факультетрайн.

 Школа къуртал бувсса чІумал на чун буххан хъинавав тІий, пикрирдай буссияв. Ттун аьркиннийн Заннал пала кІункІу бунна. Ччяни бувчІуна нава къабявкьушиву. Гъирарай дуклайгу буссияв. Цавагу факультетрай жучІа кунна куртІну ва гьарта-гьарзану психология къалахьхьайва. КуртІсса кІулшивуртту дулайсса преподавательталгу бия. Миннал жувун жула пишалухсса, психологиялул элмулухсса гьавас бувтуна. Жу лавсъссар педагогикалул училищардаву психологиялул ва педагогикалул дарсру дишайсса преподавательнал ва оьрчІал багъирдал методистнал диплом, буслай бур Светлана Кировна.

Институт Светланал къуртал бувну бур ЯтІул дипломрай. Ца шинай оьрчІал багъравугу зий бивкІун, ва бувкІун бур цила къуртал бувсса факультетрал хасъсса ва клиникалул психологиялул кафедралий ассистентну зун, цуппа дуклакисса чІу-





Даврил уртакьтуращал



Элмийсса конференциялий

мал факультетрал деканну ивкІсса, цІана кафедралий каялувшиву дуллалисса Маллаев ЖахІпар Михайловичлул оьвкуну. 200І-ку шинал Санкт-Петербурглив, А.И.Герценнул цІанийсса Аьрасатнал педагогикалул университетрву ванил лайкыну дурурччуну дур психологиялул элмурдал кандидатнал диссертация. 2008–20І4-ку шиннардий Светлана бивкІун бур институтрал ученый секретарынугу. Ва давугу ванил пишалул ххуллий ххуйсса школану хыуну дур.

Сайки 40 шин хьуну дур Светланал шикку зий. АрхІала ва зий бур Дагъусттаннал Ссихьрал театрданул педагогикалул бутІул каялувчинугу.

Элмулул ХХУЛЛИЯ ихтилат бухьувкун, кІицІ лаган ччива. Ссихьрал театрдануву зий, ттун бувчІунни ттула элму шикку практикалий ишла дан бюхъаншиву. Махъсса шиннардий чІяву хьуну бур цІуллу-сагъшиврул ссуссукьушиву дусса оьрчІру. Ттула хІарачатрайну нава зузисса дефектологиялул кафедрагу, Ссихьрал театргу цачІусса мюнпатсса проектирдаха зузи бан бювхъчнии.

ЦІана Культуралул министерство зий дуссар мурчІисса ва чани чансса

оьрчІан бувчІин бавуртту дансса чаран лякъавриха. Уттигъанну Дагъусттаннай цалчин дурссар «Хочбар» спектакльданул тифлокомментирование. Му давриву жул кафедралулгу хъуннасса гъурттушинна дурссар. Му бакъассагу, шанна шинни кафедралул Ссихърал театрданущал цачІу «Люди как люди» тІисса аутизм дусса оърчІащал зузисса региондалул пллощадкалул экспертъталну, буслай бур Светлана.

Светланал бур кІия арс. Элмулул ххуллийх къагъарчагу, дуккавриву, давриву хьхьичІунсса бур. МахІаммадлул къуртал бувну бур школа мусил медальданий. Вагу культуралул, искусстволул сфералуву ур. Къуртал бувну бур Москавлив РГСУ-рал университетрал вокалданул отделение. Зий ур Лакрал ва Оперный театрдаву. АхІмадлул къуртал бувну бур школа арцул медальданий. Ва бюхъу бусса айтишник ур. ЦІанасса чІумал бизнесрахун агьну ур.

Светланал мукьва арснал душру бур. Щин кlулссар, бюхъайссар вайннава буккан ниттил ва баба-ттаттал ххуллийх гьансса, элму ахттар дуллансса душру.

Андриана Аьбдуллаева

Коллегал аьпалун



Умукурсюн Арзулумовна Мантаеващал на кІул хьуссияв нава «Дагъусттаннал хъами» журналданул редакциялий зун бувкІсса І977-ку шинаяр хьхьичІ. Та чІумал му бия къумукь мазраймур выпускрал редакторну. Дагъусттаннал Чичултрал союзрал жаваблувсса секретарьнал даврийсса ттула буттал на чІявуну буцайвав жула дагъусттан театрдавун, постановкарттал премьерардайн. Ттун хъинну дакІ дакьайва къумукь театрданий, маз къабувчІаврил кІану бугьайва машгьурсса актёртурал - Барият Мурадовал, Саният Мурадовал, А. Акмурзаевлул, Амир Курбановлул, Д. Джетерел, Инесса Къурумовал, Айгум Айгумовлул - сахІналий ккаккан дуллалимунил. Тиккуяв на кІул бувсса лахъ бакъасса, яругу чаннасса, хъюрухъ багьсса кІукІлусса кІизгу бусса хъамитайпалущал. Га ттущал хъун инсаннащал кунма гъалгъатІий бунугу, яруми пиш тІий бия, цуппагу щалвава бия инсан цичІана кІункІу уллалисса. Гана гая Умукурсюн Арзулумовна. Ттул уссурвалгу бивкІун бия ганил арсурвавращал дусну, нагу ганил душнищалгу кІул хьуссияв, хъунмасса хІаллай ххуйсса дахІаву дуссия. Махъ, редакциялуву зун бивкІукунгу, ттучІа ганил хІурмат хъун хьуна редактор-профессионал хІисаврайгу, чичу хІисаврайгу, ттущала цила опыт кІибачІлачІисса ттуярва оьрмулул хъунмасса уртакь хІисаврайгу.

2024-ку шинал Дагъусттаннал Халкъуннал чичу Умукурсюн Арзулумовна Мантаева ниттил бувну Іоо шин барт ларгссар.

Умукурсюн Мантаева бувссар Хасавюртуллал райондалийсса Эндирей шяраву, Давутовхъал машгьурсса, интеллигентсса кулпатраву. Гайннал бивкІун бур ххюва душ ва кІия арс.

байбивхьукун Даутовхъ-Дяъви ал бавкьусса кулпатрал ялун, цайми кулпатирттайн кунма, чІявусса баларду бивну бур: арсру аьрайн лавгун, занабикІан кьисмат къавхьуну бур; кулпат ливну бур, цивппалу ливчІсса хъаннин шяравун кІурабаен багьну бур. Ва дяъви хьун хьхьичІ барачат бивхьусса кулпатраву цила вивгу бивкІун бур драма: Умукюрсуннул нину оьрчІах диркІукун, ниттил ниттил га цичІанма бувцуну, цила душшиврун бивхьуну бур. Ванин цила ппу ххай ивкІмагу лявкъуну ур ниттил ппу. Яла махъ, дяъви къуртал хьувкун, ганин кІул хьуну бур цилама ппу, Арзулум, «халкьуннал душман» хІисаврай ивкІушиву. дуснакьраву Амудадал га щар буллуну бур фронтрая увкІсса Арслан-аьли Мантаевлун, душнил фамилия даххана хьурча, ганияту «халкьуннал душманнал душ» тІисса ттангъа гьантІишиву кІулну.

Дяъви къуртал хьуну махъ Арслан-аьлил къуртал бувну бур областной партшкола, га увчГуну ур рай-

комрал цалчинма серетарьну, яла гьан увну ур Москавлив зун.

Арслан-аьли ДАССР-данул Верховный Советрал Президиумрал Председательну увчГуну, гай кГурабавну бур МахГачкъалалив. Тай шиннардий Умукурсюннул къуртал бувну бур педагогический институтрал филологический факультет. Оърмулуву тГайлабацГу хъуннихха тГисса ппурттуву кулпатрал ялун цГусса тГааьндакъашиву дирну дур.

шайхха Оьрмулуву мукунсса ишру, цащала цІу-ччатІ канакиминнайн вихшала дурну, инсаннал дакІ аьч дайсса. Ца мукунсса иш Арсланаьлингу хьуну бур. Ганайнсса къащилул кьуркьу уллалисса «дуснал» дурну дур цала кьадарсса даву. Арслан-аьли тІардайн вих къавхьуну ур. Га ивкІун ур щарссанихь: «Ина ми хавардайн циван вих хъанай бура? Цири ттуяту махъа чичин шайсса? Ттул оьрму циняннал хьхьичІ лавгунни, хъатлий бивхьусса кунма. На хъуна хьуссара интернатраву, къуртав бав училище, зий ивкІра учительну, районорал заведующийну, ацІра шинай дяъвилий ивкІра, финнашалгу. Буттал кІанттул пІанийссагу дяъвирдаву гьуртту хьура, цимигу щаву дирунни, наградартту дур...»

Цаппара хІаллава га укьан увну ур Верховный Советрал Президиумрал Председательнал къуллугърая, учётный карточкалийн лавсъсса выговоргу буллуну. Арслан-аьли тахсирлув увну ур «халкьуннал душманнал» душ щарну буцаврий, ганал буттал личІиличІисса кІанттурдай хъурув, ризкы, кІива кулпат бивкІшиврий, цувагу, дяъвилий ивкІусса дуснал нинур тІий, «халкьуннал душман» ядуллай ушиврий. (Ганиятур чирчусса Умукурсюн Мантаевал «Чявхъа бутІин хьхьичІсса хьхьу» тІисса романдалувусса ца героинял сипат).

У. А. Мантаева Чирюртлив ялапар хъанахъисса чІумал, ца гъарал лачІлачІисса къини даврияту най буна, ганин хІисав хъуну дур лащинну яннагу лархсса, канихъ чІирисса далухІилущалсса оърусщарсса. Умукурсюннун ччан бивкІун бур ганихъхъун цадакъалун арцугу дуллуну, чІарах буккан. Амма къабювхъуну, гужрай шаттир-



ду ласлай нанисса щарсса цаннийнна дурцуну дур, хъамалу дан. Дукрагу дуркуну, щарсса гайннанния гьан ччай диркІун дур, ганил оьрму зия къабан.

Квартира чІивисса бунугу, Умукурсюннул га цичІара дацІан дурну дур, дяъвилий ивкІусса Арслан-аьлил дуснал нинури куну. Ганин цІа диркІун дур Полина Семёновна, ганил гимназиягу къуртал бувну бивкІун бур, музыкальный образованиегу диркІун дур. Махъ репрессиярттахьхьун дирирну, ацІра шин дуснакьравугу дурну диркІун дур...

МахІачкъалалия Арслан-аьли Мантаев тІайла увккун ур Хасавюртлив сельскохозяйственный школалул директорну. Га лавгукун, квартиралий пачат бивщуну бур, кулпатгу кІичІиравун буккан бувну...

Ци банссарив къакlулну, Умукурсюннун пикри хьуну бур республикалул Обкомрал цалчинма секретарьнащал А. Д. Данияловлущал хьуна бакьин. Цила оърчІругу больницалий бушиву, циннагу экзаменну дуллун багьлай бушиву бувсун, ганахь кумаг бува увкукун, гайнахьхьун буллуну бур кІива къатта бусса квартира. Умукурсюннул Данияловлухьхьун суал буллуну бур: «Ци сававрайри Верховный Советрал Президиумрал Председатель

сельхозшколалул директорну тІайла увксса, ганаяту циняв тахсирду лиххан бувну бунува!?» – куну. ТІайламур ххув хьуну бур – Арслан-аьли ивтун ур просвещениялул министрнал заместительну.

Умукурсюннул циламур творчестволул ххуллугу ца кьаралданийсса къавхьуну бур. ЧІярусса захІматшивуртту, дакІнин щавуртту хьуна даркьуну дур. У. Мантаевал цалчинсса публикацияртту – хаварду ва очеркру – дурккун дур І957-ку шинал, « Лениннул ххуллу», «Дагестанская правда» кказитирттай, литературалул «Дусшиву» альманахрал къумукь мазраймур выпускрай.

I958-ку шинал ва бивтун бур къумукь мазрайсса «Женщина Дагестана» журналданул редакторну. Та чІумал ялун ливчуну бур ванил журналистшиврул ва чичушиврул гьунар.

I964-ку ши ттаннал луттирдал издательствалий бувкссар У. Мантае-

вал ниттил мазрайсса цалчинмур лу «КІинничалт» (оьрчІансса хаварду). Хъиривсса шиннардий дагъусттаннал издательстварттай бувкссар ванил луттирду: «Срочный вызов», «Раздумья», «Первая весна», «Горсть земли», «Мое поколение».

У. Мантаевал чивчуссар хъунисса пьесардугу: «Шяравасса душ», «Кьадар», «Ціуртти», «Ас-намус», «Гьивчул багъру», ми бивхьуссар Къумукьнал, Яруссаннал, Оъруснал театрдаву. «Искусство» издательстволий бувкссар ванил ца актрайсса пьесардал сборник.

Умукурсюннул махъва-махъсса луттирдавасса ца хьуссар «Ларгсса шиннардил нур», ваниву художественный произведениярттацІун дуллуну дур авторнал дакІнил майдан аьч буллалисса, ванил кьадарданул захІматсса гьантрая бусласисса автобиографический очеркгу.

Аьжа АбдурахІманова

Умукурсюн Мантаева

Чявхъа бутІин хьхьичІсса хьхьу

(романдалувасса парча)

- ... Чансса ухчІин бищуннача, яла гьухъа хІадурссар. ЦІуллуну тІатІаннав, ттул душ, увкуна Полина Семеновнал.
- -Бурив ттуй бавкьуну? ЧІюлушиву цилагу! Барчаллагь, Семеновнай.
- Ина ци тІий бура, ттул душ, ци барчаллагьри, инарахха ттул буссавагу гъзнуу
- ...На Оьмардун щар хьуссияв дяъви къуртал хьусса цалчинми зурдардий. Жул хъатІуй я зюннав-дачІу, я тяхъашивуртту дакъассия, байбивхьуна Саниял цила хавар, гьухъул примеркагу дуллай. Тай шиннардий инсантурал чІаратугу хІасрат ларгун дакъая. Я каний кІисса лаххаву дакъассия, я жалин янна. КІиягу военный гимнастер¬кардаву: погоннну, дяъвилул наградартту, ялагу щавурду. Я ниттибуттал, я гъанминнал къацІуххайва:

«Зул ци дуссар? Цукун ялапар хъананну?» – куну. Учаймур ца бия: «Заннайн щукру сагъну кЈурабавсса».

Машиналул сигналданул чІу хьуна. Сания чІавхьулттивух бурувгуна:

– Вуй, Оьмар увкІунни!...

Полина Семеновнал пиш увкуна:


–Букку гьалмагъай хьуна акьин!

Сания бувккуна. Оьмар тяхъану ия, хъярч бувна:

- Чуври ттул щарсса? Ваппабай, вил чІюлушиву!
- Мяйжаннугу, бакъарив бавкьуну ?! Саниял, хъянгу бивкІун, ласнал хьхьичІ ккюрнутІай дуруна . Ттунгу ххуй бизлай бур.

Щарссанийн хъямалагу агьну, Оьмардул увкуна:

-Ттул ина яла ххуймурда! Къалавгна ацІавав? Навагу лавгун, щарсса чийх дуккайхха.



- Чунна лагайсса,Оьмар МахІаммадович? – тяхъану цІувххуна Саниял.
- Вил лас цамур райондалийн гьан уллай ур, райисполкомрал председательну.
- Мукуннив? Барча къуллугъ, гьалмахчу Забитов. Къуллугърал хъун хьуну урахха! Так махъ була: райондалийх къазанан, жугу хъама къабитан. КІуллача ина – хьхьичІ ххуттай вин дикІай вила даву.
- Инава акъарив укунмсса язи увгьусса? Тийхрив ца лазат буссар - вацІри, бяр, гьивхьхьул хІалу.

- Гьивхьхьул хlалу, вацІри, бярду?! Къавихра!
- Ттун тІайлабацІу хьунни, тикку цалчинма секретарьну Мухтар Садыкович Мухтаров ушиву.

Оьмардун хІисав хьуна, цалчинма секретарьнал цІа зумух ларсукун, Сания лажиндарава баххана хьусса...

* * *

Райкомрал цалчинма секретарь Мухтаровлул кабинет хъунмасса бия. Гиву цичІав дакъая ххисса, так кьянкьасса низам: хъунмасса стол, столданий –

телефон, чІирай – Сталиннул портрет. Забитов цува гьан увсса райондалущал кІул уллаллисса ихтилат къуртал буллай, Мухтаровлул увкуна:

- Жун аьркинну бур бажар бусса, дирисса кадрарду. Инава цуми частирдаву уссияв къуллугъ буллай? цакуну цІувххуна Мухтаровлул. Политработникну акъарав ивкІсса? Му хъина. Цила чІумал ина ттул урчІа ка хьун аьркинссара.
- Гьалмахчу Мухтаров, ина ттул бюхъу-бажар хъун буллай чІалай ура.
- Бюхъай, бюхъай, хъян ивкlуна. Амма буниялану ххи бувна: Жунма архlал зун багьлай бур. Райкомрал цалчинма секретарь хlисаврай, ттун вихь учин багьлай бур, гьалмахчу Забитов: инициативалул чlарав ацlанна, амма ччи-ччимурду буллан рухсат къабулунна. Кулпат буссарив вил?
- Щарсса, арс! АцІансса кІану лякъайхту, кІайгу буцинна. Амма щарссанил даву...
- Даву лякъинну, кlанил пиша ци бур?
- XIакинни, железнодорожный больницалий зий буссар.
- Мув хъина, жул больницалий главврач аьркинну ур.
- Сания цуппа къаоьккисса хІакиннича, амма мукун жаваблувсса даву кІанища дан бюхъанавав тІий уссияв.

Мухтаров, кlанттуягу гьаз хьуну, Оьмардул иттав урувгуна:

- Ца цур вил щарссанин?
- Сания Арслановна, пиш куна Оьмардул. – Туну тти на гьаннача, Мухтар Садыкович.

Мухтаровлул хъунмасса хІал хьуна Оьмардул хъирив уруглай: «Сания – ванал щарсса! Муккунни уча!»

- ...Ябивхьусса чІавахьулттивух къатлувун баллай бия гармошкалул чІурду ва дачІул дав-дав, амма Мухтаровлун цичІав баллай бакъая. Итталух занан бивкІуна ларгсса шиннардий хьусса ишру. Вана ппу хІаятравух занай, бигарду бихьлай:
- Аьлий, ина ча занай ура? Ява, бучкарду бяйкьин мабара. Баяйрив, бувчІурив? УрчІах, чІивимур бучкалуву, винма кІулссар, хъуни къуллугъчитуран... Ил, хъамий, зу ссаха зий

буру, хъамал бавтІуннихха бусса. Пулав, шашликІ, чяхирданул графинну – столлайн. Жалин дуцин лавгссар, ил, вил арс ча заназиссар? – вев куна Садикьлул цала щарссанийн.

- Xlазранна ина ва даву дуллалисса, вин бувчІлай бакъар на вихьва тІутІи-

мургу, арснал тІутІимургу...

- КьацІ лакьи, щарссай, нач дакъасса арсгу инарагу! Цукунни танаща бювхъусса ттул лажиндарайн учин, ттунма ччан хьумур бакъа къабуцинна куну. Цурив ца духтур язи дургьуну дур, къатлувурив аъркинну дур хозяйка, цІуллу-цІакьсса, зузисса.
- Винна арснал щар аьркинну дакъарча, ичТуращар аьркинну дур уча, – къурчТисса пиш увкуна щарссанил.
- Ил, щарссай, ина ттун лахьхьин мабулларда!

Каругу кІутІу дуллай, Садикь къатлува увккуна, амма гацІана, дягу-дяъвай, махъунай ххявххуна.

– Дургу та вила арснах! Цу дурцуну увкІун урив ххал а ... Циван дура дарцІуну? Дуккан дурну кьарити та шива. Ина мукун къабарча, на ккаккан байсар танин бухкІулу, мукунсса кьюкьала на къадухІантІиссар. Ца жалин дуцин гьан увну, цамур дурцуну учІан!

Мухтардул къатлувун буххан бувну бур цала ччисса, яру луглан бивкlун ниттих, та чlарав дацlанссар тlий. Лайла, цинявгу тиху-шихунмай бувну, гайннал хъхьичlун дурккун дур. Кlиннайннагу хъямалагу дагьну, увкуну бур:

- Ттул оьрчІрув, зу талихІрайн букканнав. Мухтар, ттул арс, вин ххира хьумур, жунгу ххира хьунтІиссар. Ва къатта Саниянгу хьувча буттал къаттану. Заннал зун талихІ булуннав!
- Мунин буттал къатта хьун! Вил щарсса авлия хьуну дур, цила ци тІиссарив къакІулну. ДацІан дува та, вевшев тІун диркІун дур буттарссу.
- Дукьу ххуллия! кьянкьану увкуну бур Лайлал. Танал та вил къатлувун дакъар дурцуну увкІсса.
- Бити му! хlала увххун ур Садикь. Хъамаллувралсса бува, увкуну бур ганал ссийхь. Ва тlурча дуркlсса ххуллийх гьантlиссар. Ва на увкумурди бикlaнтlиcca...

* * *

Арапат гъан шавай, чІавахьулттийх бургавай: «Циванни ваксса хІаллай хІакин къананисса. Ттул чІивитІу мискин кІиришиврул ччучлайри усса, сситтуй дурургуна ласнал буттах. – Агьансса кІанугу лявкъуну бур. Танал ххюнххулуха оьрчІ шанан икІлай акъассар».

- На шанавун лавгун ивкІун ура, увкуна Садикьлул, бугъ ххал бувара, ссихІ ласун хъанай бакъар. Форточка тІитІа. Цакьнира чІунни зунна къатри ласун! Мухтар ттигу къаувкІссарив? Га ча занай уссар?
- КъакІулли! жаваб дуллуна Арапатлул. Цивува циларив увкуна: «Вила шава щяивкІун ивкІния!...»

Ахиргу нузал занглил чІу хьуна, Арапат тІитІин левчуна. Увххуна Мухтар, щарссанихгу къулагъас къадурну, чІарах увккуна.

– Ппу увкІунни! – увкуна ганил. – Дукра дуканнав? Дишивив?

– ДарцІусса цира, оьвча буттайн.

Пиш-пишгу тІий, Садикь арсначІан увххуна. Столданий хъахъи лавгсса цала чагъарду ххал хьуну, махІаттал хьуна:

- Вай ци чагъардур? Ина вай ча буккав? Вайксса шинну ларгун махъ?
- БувчІин ччай ура тІайламур цирив, щялумур цирив. Ина ттучІан фронтрайн Саниялуя чичлачимур тІайлассияв?
- ТІайламур ччай бурив?... На чивчуссия бумур. Та цуривгу къакІулну, ина та ттул къатлувун бувцуну увкІунав
- Ди, вин та къакГулссия, ттун тГурча та кГулссия...

Арснал чулухунай кІурагу авну, Садикьлул пахрулий увкуна:

- Ва цІанасса вила даражалух ина буттан акъарав буржлувсса? Ина цуунугу акъарахха – райкомрал секретарь ура. Щаллусса райондалул заллу!
- Буттай, ттун кІулли нава цурав. На вихь цІуххин ччимур цамурди. ХІакьинугу вих хьун хъанай акъара
- Вин, Мухтар, чІявусса затру къакІулссар. КІул хьун аьркингу бакъассар. Цал ттигу тІий ура: ттун аьр-

кинну бия вил ялун бучlантlимунил пикри бан.

- ДакІний бур, буттай, цимурца дакІний бур. Цахъис хІаллай кьаивкІунгу ивкІун, Мухтардул ххи бувна: Ина шанма гьантлий кьюлтІ дуллай ивкІсса телеграмма ккаккан дуруна. Ттун аьркинну бия нава къуллугъ буллай ивкІсса частьравун чара бакъа учІан. Байбивхьуна дяъви, нагу лавгссияв, Саниягу зучІа кьабивтун.
- Ди, га жучІа буссия. Цал хатІалий ттун ганил фотографиярттавух ккарккуна ганал фотографиягу.

Мухтар буттачІан гъан хьуна:

- Фотография? Цукунсса фотография? Шил?
- Щил-щил? Ганал! Га бияхха цинянная кьюлтІ дуллай. ЩинчІав ккаккан къадуллай. Ттуннив ттула яруннин ккавккуна, ганил цимилгу фотография дурккун, ганих буруглай.
- «Ганил жула Мухтаровхъал агьлу кьюкьин бувунни!» дакІнин багьуна Мухтардун буттал чагъарданувасса махъру.
 - Буттай, га цуя? Вин га увчІунав?
- Гарив? Увчингума! Ттун га хъинну кlулссия. Зий икlайссия лесхозрал директорну, на навая га угьан кумаг бувсагу. Зувиллий арулку шинал увгьуна халкьуннал душман хlисаврай. Буржуазный националист. Туркнащал дахlаву диркlун дия. Кlуллив, га...
- Ина щияту буслай урар? Цур увгьусса?
- Цукун цу? Саниял ппу Арсланхан.
 Мухтардул хъачГунттаха ппу увгьуна:
- Саниял ппу?! Ина бувмур цир! Инания ганил цІа кьяркьаравух дурккуна. Инания чичлай ияв га ...
- Дихха, ганил жула Мухтаровхъал агьлу кьюкьин бувссар. Мукун тІийях-ха на вичІан чивчусса!
- Ттун му личІину бувчІуна, мунияту фронтрая ганичІан чивчуссия: «Ттух маялугьларда, вила талихІрах луглагу». Буттай, ина на дунияллийн уккан увунна. Бусила, циван зевххуссия ттуща оърму?...



Зунттавусса къатрал рухІ...

ЖучІара цаппараннал зунттаву ядурну дур духсса къатри. Цанниха ца лархьхьусса, ми дур ххяллацІун лачІун дурну, ми виватугу дакъар личІину чІюлусса – так чара бакъа аьркинмурди дусса! Къатри дайсса диркІссар гьарца цІусса кулпатран, дуруччайсса диркІссар хьхьичІавасса багьу-бизулул кьанунну. Яла махІатталмур затру дур миву -къатлул дянивсса тІаннул ттарцІ ва буцургу (цавайннал – цагур) – хъуннасса, ххяллуцІсса щалва чІира бувгьусса конструкция - сурду, шану-кІараллансса тахчарду, чІамурду, кІучІсса хІужрардугума бусса.

Битавсса тіаннул ттурціайн «мархлул ттарці» учайсса бивкіссар, мунийн хьхьарчуну диркіссар магъулусса уттусса, мунил дургьуну диркіссар къатрал ціиялу. Му ттарці даин чіюлу дурну диркіссар ціурціусса накьичирттай, ми хъунисса-

гу, мюршссагу накьичирттал цала мяънарду диркІссар. Микку символлу чІявусса буссар – тухумрал цІуллу-цІакь шаврил, хъу дюхъаврил, ризкьи бюхъаврил символлу. Куннивух кув щашлашисса лабиринтирттал я лачІаврия, зайлуя буруччайсса бивкІссар, ми бавкку ххуллурдайх бувцуну, къатлуя арх буллай.

Му бьакъассагу, къатлул ттарцІ диркІссар къатлул ас-насмурал символгу. Агарда цу-унугу ца Пахруттиннун ччай бухьурча ца ХІамзалов бухІан къашайсса куццуй кьюкьин ан, мунал ххярч учин дантІиссар ттурцІайх ххаржан, ттурцІал дянив ххарсси дурну, микку ХІамзаловлул Пахруттиннун оьттул кьисас баян бан аьркинссар, акъарив му хъуннасса кьюкьалар!

Зунттаву къатлуй кьункьула къадишайсса диркІссар, бурхІулттивгу нузкьунттай кьункьулланнияр низамранни бивкІсса. Миннувун ттархь личІайсса диркІссар, заллухъру шаппа бакъассар тІий – къурталли!

Ттигъанну бавунни ца хавар. Щалва кулпат лавгун бур чІаххувсса шяравун хъатІуйн, къатлул нузругу мукунсса ттуршай ларкьуну. Заллухъру шаппай кІурабавукун, ттархь цила кІанай диркІун дур, къатлул ттурцІай тІурча ххал хьуну дур цІусса сурат - къатлул дянивсса ттурцІал цІан ларгсса тІаннуй щиллив усттарну цIурцIусса, ппив хьусса кьамарашал ххяххан бувну нанисса чал сурат. Чал сурат диркІун дур кІуврал хьусса ттурцІай садапрал рангну чІалай, къатлул заллугу ивкІун ур цичІав бувчІин къахъанай – циванни ва сурат дурсса? Кьюкьин ан? ДакІнийн щун бан? Ягу цичІав къакІулсса инсаннал хъярчрив? Ххал барча, му кьюлтІсса инкрустаторнан ччай бивкІун бур залуннал душнин бувчІин бан - вана укунсса чай ина буцин ччай ура! Хавар бигьану къуртал хьуну бур хъатІи бувну, кьянкьасса зунтталчувнангу цала ас буруччин ххаржан дайл дуллан къабагьну бур.

Ттул агьулданиясса чІявуссаннан кІулну бур «мархлул ттурцІал» ичІу-

ваминнахь хьунмур бувсъсса хаварду... Цал ттул дус бивкІун бур цила хъуннабавачІа зунттаву хъамалу хъанай. Дягъинттулгу зунттавугу дюхлу дикІайхха, аьжаивсса пахъдагьругу дикІай. Душ чантІ учин бувну бур нигьачІисса чІурдал – бава диркІун дур щурщулий дуаьртту ккалай, Заннахь плими биша тлий. Чливисса душ ялагу шанавун лавгун бур, хъиривмур кьини тІурча хавар бувкІун бур, бавал чІивима арс, му чІумал Сибирнаву стройотрядраву ивкІсса студент, автокатастрофалуву ивкІунни тІий. Бава хьхьурай чантІ увкуну диркІун дур, хъя кусса чІугу бувну, къатлул ттурцІай хъуннасса ххярацлу хьуну. ЦІансса тІаннуйсса цайми ххярацлурду чІалай къадиркІун дур, ганил ттиркьюкьал рангрив иттав дагьлай диркІун дур. «Вара куццуй ттурцІай ххярацлу хьуссия ттул ппу дяъвилий, Чехословакиянаву ивкІуса чІумалгу ... Жун та ивкІусса къакІулссия, ттурцІаннив кІулну бия...» тикрал буллай дия бава, зумалул ва дуаьрттал лях...

Сульгият Булгаева





ЦІушив, ххалаххив ва шеърирду

Гьу, битанну, «Короли и капуста» жунма бавсса хавар бур. ЦІушивгу цири? Цукунсса уколлур ми? Поэзиягу микку чачунмайри нанисса? Хъанахъимурвагу цири ахир?! Ца цичІавгу. Так жула героиня, Табасараннал Гухраг шяравасса Расмия Кагьриманова — му поэтессагур, медсестрагур, шама тяхъасса къавкъинная хъусса «минифутбольный команддалул тренергур», миннан нигьа дулунгу аъркиннихха, канихъ думур рищунна тІий (хъярчираннича), канихъгу чІявумур чІумал цІушир бикІайсса, миннал цила чІумал ккарччивгу марцІ дулланшиврул, дякъияту бакІурдий къяпригу бишаваншиврул.

ЧІал къавхьуну табасаран мазрай буккантІиссар Расмиял назмурдал сборник. Жагылсса чичул жул журналданухь бувсунни цила оьрмулул агьамсса кІанттурдая – позиялия, медициналия ва кулпатрая.

Так табасаран мазрай!

Ттун цалчин назмурду чичлан ччан бивкІуна ахъувусса марсравух заназийни. Дадал на гьан бувнав гъаран риттун, нарив бувкІссияв ца-кІива байт ляхъан бувну. Ганин тачІаввагу тІааьн къабизайва поэзиялухсса ттул гъира, ттул ххуллу диялсса финансру дучІаймур чулухунмайри бикІан аьркинсса тІий. Ттуннив ччай бия урттувусса чирахъ-шатрая чичлан. цІурттаягу. Гьай-гьай, Ссавнийсса ниттиягу. Хаснува ниттия. душварачІа лахъи лавгний, ягу хьхьучанихьун виргъандалулу фонарикращал ккалайгу бивкІун, яла дарсирдай шанан бикІавайтІий нава хІинчулух баттаврия бакъаяв чичин ччисса. Ттун ччан бикІайва ганил хъяхъаврия ва аякьа дусса карунния чичин.

На назмурду душваран ккаккан дайссия, гайннал гайннуя цІа дайва. Ниттихьхьунгу бикІайссияв бириян буллай, баянтІиссия: «ДучІисса давриха зузула». Хула туну бувчІин бува оьрчІан, циван аьркинссарив «дучІисса давриха» зун (ми давуртту цирдагу хъинну бизарсса дикІайхха), бюхълайгу бунува винна ххирасса давриха зун.

Цал на райондалул поэтический конкурсраву ххув хьунав. Муниву гьуртту хъанай бия лайкьсса шяиртал, амма цалчинмур кІану ттун буллуна. Ялунссаннун арцуйнугу бахшиш дуллуна. 6000 къуруш! Ттухь цІуххирча – хъунма-а-сса сумма! Туну, мигу луттирдах харж дурссия. Танияр махъ ларгунни чІярусса шинну. Ттул назмурду дурккунни цаппара поэзиялул сборникирттай, хІадур буллай буссар ттулалусса лу, амма тачІав ттуятува пикри къавхьуссар: «Яр, Расмияй, инания поэзиялул хьхьири бивкІун бура! Табасараннал райондалиясса Ахматова!» Ца-кІия табасараннал поэтътуран ва ва поэтессахъан ккалли бувминнал ттуй дюъ дихьлай бур: «Ява, публикацияртту дацІан маритара» тІий, амма цал-цал пикри шай: «Балики миннан ина къаркІу бура учин ламус хъанай бикІан!» тІисса...

Ца зат тІайлану учивияв ттула назмурдая – ттун ми оьрус мазрай кьамул дан захІматну бикІай. На ттула переводчицайн барчаллагьрай бура, гьакссагу молодец бур, амма ттул поззия... му хъинну табасарансса бур учивияв. Оьрус мазрайнсса таржумалий аьй дансса кІану бакъар. Амма цирив ца тІин биял хъанай бакъар. Муния-

¹Американал чичу О. Генрил кьисса

ту ца кІира-шанна назмур ттул дусса оьрус мазрайн таржума дурсса - ххишаласса ттун ччайгу дакъар. БувчІлай бур нава гьарзасса буккултрацІа хъанахъишиву - туну цурив ца Расмия Кагьримановал назмурду оригиналданий ккаланшиврул миннал табасаран маз къалахьланссархха! Амма цичІав ттущава бан къашай. Щала вихнугу бакъара, нара назмурду чичлачисса ай щил-дунугу дуккиншиврулла тІий. Туну цІусса цири ттуща бусан шайсса ччаврия, кулпатрая, инсаншиврия ттул творчестволул гьануми темарду ми дур. Цанма ччан бикІарча, чІявуми инсантуран ми затру бувчІинссар ттул рифмардайсса ххару къабувккунмагу. Къачичларча, ттула вив цукунссарив хавшиву хьунсса кунна чІалан дикІай, мунияту бура чичлай.

«Жу кумаг бан хІарачат буллай бивкІру. Амма къабювхъунни »

На бура инсантал шанаши буллай, муних харжгу ласлай. Вай нава медсестра-анестезиолог учин кІанайсса хъюрухъ-махърур. Шиккува хъисвагу ччай бакъассияв медик хьун. Утти бура ниттийн барчаллагьрай, ттула макьгу ккалли къадурну, журналист хьун буххангу къабивтун, медицинский факультетрайн гьан бувнутІий. Цалчинмур курсирай терапия дакІних лахьлан багьлай, рязи бакъа бикІайссияв. Практикагу дайдирхьуну, инсантуран кумаг буллан бивкІукун, бувчІуна ттунна ва даву оьну ххирасса душиву. Амма на буллалисса цалчинмур укол балану хьуна. Практикалий ттуй дюъ дирхьуна: «ЧІявуми пациентътуран къаххирассар практиканткал цайва ххалаххи буллай». Явара туну тти минначІан главврач ягу медсестра гьан буллали. Мунияту палаталувун булухху ваца инава уколлу бавриву спортрал мастер бусса кунма». Туну бавчура нагу ттула цалчинма пациентначІан. Бувхра палаталувун, цІуххав: «Цумару Аьлиев?». Виргъандалул лултту бавунни заэвсса чIv: «Нара». Туну нагу, ваца дакІ дарцІусса специалист кунма, гъан хъура ганал тахличІан, хъит дав ялату виргъан. Ганилу – кІачІасса чурх! Га дахъа операциялия иян увну ивкІун ия. Ца вевгу куну, ккулла кунма ливчура палаталувату. На га пакъирнайн виргъаннарагу диян къадурну къаивтун ия. Шанма гъантлува ккавккунни – коридорданувух ур дири-къирину занай. На ххал хъуну, тяхъану оъвкунни: «Ина ххишала ттучІан циванна къабухлахисса?» Нагу: «На зул палаталувун ша къаласунтІиссар». Ливхъра ялагу. Мунияр махъ уколлу так хъаннийн-я байсса.

Цуксса хІайпнугу, даврицІун бавхІуну бур кьурчІимургу. Пандемиялул чІумал на зий буссияв ятІул зоналий. Му бия ца ахирзамандалуха лавхьхьусса иш. Му ттигу жун кІул дакъасса азар дия. XIарачат буллай буссияв кумаг бан. Бюхълай бакъая... Жуватугу тамансса къашай хьуна. Коронавирусрал инсантуран ци буллай бияв къакІула, нервный системалун зарал буллай, къашайшала депрессиялувун агьайва, оьрмулухлу талансса ганал гъира лещайва. Навагу захІматсса формалий къашай хьунав. Заведующийнахь учав: «ИВЛ аппарат подключить мабари. Битияра на паракьатну гьан» Ганал ттухун дяъви бувна, къабитанна бивчІан куну. Цукуннугу сагъну ливчІунав, амма ялагу шин хьуна депрессиялува къабуклай. Шалла панлемиялул чІумал на хъинну нигьачІий буссияв кулпатрал, оьрчІал цІаний. Цаппара пациентътал, нава гьич хъин къахьунссар тІимигума, хъин хъанай ккавккукун, ттувувагу парх учайва «Ва балагу та-бунугу къуртал хьунтІиссар» тІисса хьул. Му мяйжаннугу къуртал хьунни. На аьтІий бикІайссияв, жущава пациент ххассал ан къавхьукун. Ттухь учайва: «За бакъассар. Аьдат хьунтІиссара. Жагьилминнал бивкІугума паракьатну кьамул буллантІиссара». Къашай ттуща мукун.

«Аттаннав на, дадай? Бургу ява, щяв бучІан къабанна ».

Ттун хъинну ххирар ттула ниттил маз. Щар хьунурив бура цамур милла-

Инсан 2 / 2025



трал адиминан. Ттул лас азербижанни, татнал мархригу бусса. ОьрчІругу шаппа гъалгъа тІий бур шанма мазрай – азирбижан, оьрус, фарси. Ттул мазрив миннан къакІулли. Муна мукунсса бур хъярч-махсара. Ттун ттунма багьунни фарси лахьлан. ОьрчІру на буний му мазрай гъалгъа тІун бикІай, нагу бура щак тІий: «Валлагь, вай хІиллакартурал дакІний цирив бунуккар». Утти ттун фарсилий цимурца бувчІай, амма гъалгъа тІун захІматну бикІай. Ттул гъалгъа бавукун, оърчІал на бацІан бара: «Лажинни, дадай, паракьат хьу. Винма ччимур, амма къа фарси». Ттул шама арс ур. Хъунаманан I6 шинни. дявманан – І2. чІивиманан – кІира шинва дачІи. Назмурду чичлан анавар буклай бакъар. Ца ур кикбоксинграхун агьну, гама - футболданухун, шамулчинмагу цала шиннаха лавхьхьуну тиху-шихунай лечлай, биялсса тІааьнсса аварашивуртту хьун дуллай.

Ттун миннащал захІматну къабикІай. Лас ур органнал зузала, цІана Ростоврай ур, чІун-чІумуй учІай МахІачкъалалийнгу. Ппу чанну ккаклай унутІий, оьрчІру ттуххухва лавгун бур. Гайннал ттуйн вихшала дур, ттунгу му тІааьнни. Хъунамащал, масалдаран, жу ганан ххуй бивзсса душнин подарок ххал дуллангума бикІару. Лас ур: «Мукун кІукІлусса ниттихъул къабик Гайссар. Ина ми ттюнгъа буллай бура», – тІий. Цал арснай тахсир хьунни, ласнал увкунни: «Атти му оьрчІ, цІуши бишлай. Видеогу дува, инава мунан таммих Ібувшиву ттунгу ккаккан», – куну. Туну, гъан хьура нагу цІушущал. Арснал ттуща цІуши лавсунни, яла, ппайгу куну, цала хъачІунттайн гьаз бувунна. Спортсмен ур да туну! Увкунни: «Гьу, дадай, бишланнав ттуйх цІуши? Ява, щяв бучІан къабанна». Цукунни га аттайсса? Лас увкІукун, ганал ци банссарив къакІулли, на мунивух хІала къабуххара. Мунал дур цала методика, ттул - ттула. Ппу хъинну кьянкьасса ухьурча - ттул лас мукунсса ур, нину аьркинссар кІукІлусса дикІан. Муна мукун буру жула арсру хъуни буллай. Баланс бурувччуну.

Руслан Бакидов



Следственный комитетрал даврия

Явара личІлулну бикІи! Медииина ххирашиврул бюхъайссару зу Следственный комитетравунгу бушин, юстициялул подполковник Диана Рашидханова кунма. Ва бур Аьрасатнал Федерациялул Следственный комитетрал Дагъусттан Республикалийсса следственный управлениелул граждантал кьамул байсса ва документация дузал дайсса отделданул хъунама инспекторнал къуллугърай зий. Чивисса чІумала хиял бивкІун бур хІакин хьун, хьхьичІунну къуртал бувну бур медииинский институт, зий бивкІун бур перинатальный медициналул лабораториялуву. Вана шикку ванин бувчГуну бур кГира агьамсса даву – юриспрудениия ва медицина – кунничІан кув гъан хъанахъисса кІанай уттигу хъирив къалавсса затру биялсса бушиву. Медициналул праволувун курт хьун гъира багьну, бувххун бур ДГУ-рал юридический факультетравун, яла аспирантуралувун, дурурччуну дур диссертация, хьуну бур доцент. Тава чІумал хьуну бур университетрал «Юридический клиникалул» правовой кумаграл центрданул хъунмур – му ценрданул социальныйну бурукъавччусса инсантуран уквасса юридический кумаг байсса бур. Гьаннайсса, Следственный комитетрал куллугърайн бувххун бур.

- Ина къуллугъ буллалисса подразделение ссаха зузиссар, вил буржру цукунсса буссар?

Граждантал кьамул байсса ва до-кументация дузал байсса отделданул граждантал кьамул баву дузал дайссар, миннал обращенияртту ххал дигьайссар, миннул хІакъираву решенияртту кьамул байссар ва жавабру тІайла дуккайссар, мукунна дузал дайссар Аьрасатнал Федерациялул Следственный комитетрал Председатель А.И.Бастрыкиннул Приёмныйлул, телефонный линиярттал даву.

Ттул къуллугърал буржну хъанахъиссар граждантал къамул баву ва миннал обращенияртту ххал дигъаву, мукунна аналитический давугу.

- Цукунсса решенияртту кьамул байссар миннал обращениярттал хІакъираву? Мукун зуйнма бувкминнан реальныйсса кумаг бувсса ишру хьуссарив.
- Обращенияртту, махъ бакъа, хъинну чІярусса дур. Цаппара мисаллу буцинна.

Дукlу жучlан СУ-лийн бувккунни нину-ппу бакъассагу, нитти-буттал аякьа дакъа ливчlссагу оьрчlру, миннаща бюхълай бакъая цанма яржа бакъанма булун багьайсса, аьркинмунил балгусса къатта-къуш социальный наймрал договорданий ласун. Дачин дурссар уголовный деларду. ДР-лул ХІукуматрайн, ДР-лул Минстройрайн чагъарду гьан бувссар, къатта-къуш ласаврил сертификатру миннахьхьун дулаврил процеду-



ра анавар буккан бансса ххуллурду лякъияра тІий. 2024-ку шинал ДР-лул Строительстволул, архитектуралул ва жилищно-коммунальный хозяйствалул министерстволул къатта-къуш ласунсса сертификатру дуллуссар І90 нину-ппу бакъассагу, нитти-буттал аякьа дакъа ливчІссагу оърчІру, миннавух – жуйн, Аьрасатнал СК-лийн бувкІминнангу.

Ялагу ца иш.

СУ-лийн дуркІуна Избербашлив яхъанахъисса хъамитайпалул обращение, цила чІумувун къаивсса, къюкІлил трансплантация дурсса арснан чара бакъа аьркинсса лекарственный препаратру ласун кумаг бара тІий, мукунма му хъин уллай мудан буклакисса харж (расходы на исследования по лабораторному контролю терапии иммунодепрессантами) куклу бансса ххуллурду лякъияра тІий. Жул управлениелул дурсса процессуальный проверкалул

результатну хьуссар оьрчІ щаллуну дарурттал балжаву ва лабораторный исследованиярттахсса харжирал компенсация даву.

– Следственный комитетраву зузиссаксса хІаллай инава яла гужну ссал махІаттал бувра?

- ЧІумувун къабивминнал чулухуннайсса преступлениярттал масъала Дагъусттаннай вакссава чІувуну бушиву къакІулссия. Миннуву - сексуальный журалулмигу. Ва проблемагу вакссара хъуннасса душиву къакІула. Ва проблема чІяруну цукуннугу лултту-ялтту гьан дан хІарачат буллай бур. Масала, чІумувун къабивсса душнил чулухуннай сексуальный журалул преступление дурну дур. Амма душнил ниттил судрайн буллай бакъар. Му зат ялун личирча, душ щилчІав къабуцинссар тІий. Цуксса хІайпнугу, укунсса ишру чІявуну хъанай бур.

- Цуксса чІун ларгуна мукунсса преступлениярттаясса хавардах ина инава чансса паракьатну вичІи дихьлан лахьхьиннин?
- Зий Із шин хьувкун, инава ххишала ссайчіав махіаттал къахьунсса кунма чіалан бикіай. Юх, ттул кару зурзу тіий дакъар. Ягу ццахханнусса макіру къаккаккай. Амма гьарца резонанс дусса эпизодрал, хаснува оьрчіан зарал бавриціун бавхіумунил, на сси буціин бара, хъинну кьутіай. Микку ци бан шайссар?
- Инсантурайн щак тІутІи хьурав?
- Мукунсса, пишалуцІун бавхІусса зарал ттун къавхьунни. На тІивтІусса ва инсантурайн вихшала дусса бура. Хъинну захІматри «даву даврийра» кьаритлан. Вила пишалул тура багьу-бизулувунгу дукІлан дикІай. Амма тІайламур бусан, багьу-бизугу чІявуну давривун ххюрхху хъанан бикІай. Совещаниелий буссара щябивкІун, оьвчинтІиссар чІаххурал: «Дианай, жула къатраву шанна ссятри ток бакъа, ци бави?» – тІий. «На даврий бура, мабахчиларди ттухун» учин дакІ къадияй. На навагу буссара «ва тІуркІулувун кІункІу хьуну» - граждантуращал зун бивкІсса цалчинми зурдардия байбивхьуну циняв кІулминнан, гъанминнан кумаг буллан бивкІра. Буххарав? Букъавххун бик Ганссарив? Сси бизайрив? Цал-цал бизай ссигу. Амма кьунниялай шаппай бувкІун, инава инсантуран кумаг бувну лявкъукун, бувчІлан бикІай: «Гьу, кьининия хІазран ларгун къадиркІун дур».
- Инсантал цукунни ххирану бикІантІисса, чІун-чІумуй миннал оьккими кІанттурду ялун личлай бухьувкун?
- -История лахьлан аьркинссар. Чіунну тачіавгу бигьасса къадиркіссар. Амма гьарца ціусса никиращал хъин чулиннайсса дахханашивурттугу хъанахъиссар. Му инкар бан къашайсса затри. Ттул хіисаврай, жува ялапар хъанай буру интересныйсса, конструктивсса чіумуву,

жувура инсаншиву дуруччавриву хъуннасса агьамшиву дуссар. Акъарив цукунни жува жула оьрчІру хъинмунийн вихну тарбия бантІисса? Миннан яла аьркинмур мурихха.

- Вила кулпатрая буси

- Ттул кулпат Ялув Гъазанишлияссар. Ппу чІярусса шиннардий уссия Дагсельхозинститутрал физикалул ва математикалул кафедралий каялувшиву дуллай. Ниттил щалва оърму медициналун хас бувссар, терапевтну. Мунил эбратрайяв нагу хІакин хьусса. Ттул кІия уссугу уссар, кІиягу юристъталли. Хъунама – прокурорди, полковник. ЧІивима зий ур Минтрансрал системалуву.

Мюрщинийва ттухьгу, уссурвав-рахьгу учайва: «Ххуллу битайсса – наниманалли», «Багьсса чарилун щин къадачайссар», «Зал ряхва гьантлий зий ивкІссар, дуниял ляхъан дуллай, ца кьини дурссар игьа лаган. Зугу аьркинссару зун». Жугу оьрмулухун буру ми принципру дуручлай.

- Вилами оърчІан бювхъурив му аькълу лахъхьин бан?
- Ттул ца душ бур, цуппагу бур Гуманист, хъун буквалийсса. Ганилгу образование юристри, амма зий бур оьрчІащал. ЕГЭ-лийн оьрчІру хІадур буллай. Ялагу ганил тІивтІунни школьниктурансса интеллектуальный клуб. БатІай, брейн-ринграй буклан бикІай. Нину-ппугу рязину бур, цала оьрчІру бувцуну бучІай. На ххарину бура ттула душнин укунсса даву ххуй дирзун.
- Ялагу ца суал, махъва-махъсса. Амудада – юрист, дада – юрист, душнил-душнилмур кьадаргу муварив?
- Та хъунма хьуннин бюхъай мукунсса пишарду буккан, жунма дакІний-мазрайвагу бакъасса. ЦІанамигу пишардугу бюхъай буний бухлаган. Ттулмур иш: бюхъаймур банна душнил душ дакІ хъинсса, цІуллу-цІакьсса, талихІ бусса хьуншиврул.

Руслан Бакидов



МукьцІалва хІаллу

I636-ку шинал Таркаллал шамхаллугърал столица Таркилив хІурматрай бувххун бур Персиянавату Дербентлих, Къайтагълих, Буйнахълих хьуну нанисса архсса немецнал Гольштиннал вакилханалиясса делегация. Вакилханалул секретарь Адам Олеарий цала тарихийсса чичрурдаву му иширая укун чичлай ур: - Апрельданул І7-нний ва шагьрулул хъунма хІукмукарнал жу дусшиврий хьунабакьин ва жун тІалавмур дузал бан гьан увну ия цала чІивима уссу шама цаймигу кьяршкьярш бивкІсса арантуращал архІал. Ханнал бувсун бия цува сагъ акъа шаний ушиву. Вакилтурал ганачІан жула хІакин тІайла увккуна, жува

2 / 2025

ххуйну хьуна бакьаврих барчаллагьгу учин, ва – маслихІатрайну, дарурттайну та хъин шаврин кумаггу бан. Хан рязи хьуну ия. Га хІакиннал кумаграйну цува цаппара гьантрава хъин хьувкун, жуйн хъинну барчаллагьрай ия.

Тарки шагъру тІурча – му Дагъусттаннал яла хъунмур шагърур. Му бивхьуну бур лахъсса кІанай, зунттул яхъулу, ххяллаву. Ххялларисса зунттал ялув бия къасса кІанттурду, ххуйсса гъаттаралухччив. Ххяллавату нанисса щаращал щинну, тІааьнса жюржулущал шагърулувух экъи най, хьхьиривун дагълай дия.

КІанттул халкьуннал багьу-бизулия, тІул-тІабиаьтрая буслай, немецнал вакилнал укунсса затгу бур чивчуну: «Душварал цала кІизуя мукьцІалва хІаллу бувну бикІайва, бакІрал лагма зурчІай тІий; гай хъинну рязину бикІайва, жу гайннуйн кащилай, гай ккалан бивкІукун».

Олеарийнал чичрурду нава цалчин акъанугу ккалай, на вай ххуттардих циваннив къулагъас къадайссия. Циванни хіаллурду 40 байсса бивкіса? Му бурвав цукун-бунугу бавхіуну хьхьичіазаманнул хазарнал щаращуясса ва «Мукьціалва душнил» мажлисраясса бусалалуціун? Дакінин багьлай бур Илчи Къазахълул махъругу:

Ниттил дакI мурхьирал мархри куннассар,

МукьцІалва марххаи буссар тІар мунил.

Шяир Бадруттин МахІаммадов-гу тІий ур: «кьадарданул мукьцІалва кІул бакъасса ххуллурду буссар». Жува халкьуннал дакІнийхсса творчестволух, магърах, учаларттах, лувлякъулттах бургарча, миккугу зун хьуна дакьинтІиссар мура караматсса ккал. Масала: «Виричунан мукьцІалла чувшивугу къагьассар».

Аьдат-эбадатрацІун дархІусса 40-луннил мяъна диркІун дур циняв дагъусттан миллатирттачІа. Масалдаран, 40 гьантлий цІуну бувсса оьрчІ цайминнан ккаккан къаби-

тайсса, оьрчІал бакІ цалчин чартІи байсса бивкІссар мукьцІалва гьантлува. МукьцІалва гьантлий ивкІуманал рухІ шарда дикІайссар учай, кьулгьу мукьцІалку кьини байсса бивкІун бур. Цаппара жяматирттаву, баргъ бивчусса чІумал, гъарал чІатІий, неххавун 40 чару бутайсса бивкІун бур, аьрайнсса кьюкьравун 40 чув цачІун айсса ивкІун ур...

40 - му агьамсса ккал хъанай дур исламравугу. Дунияллий цалчинма идавс Адам (аь.с.) ляхъан ансса «аьрщи» 40 гьантлий дяргълай диркІссар тІар. Аллагьнал Расуллун (с.аь.в.) Мубараксса Кьуръандалул цалчинми аятру гьан бувсса чІумал ганан 40 шин диркІун дур. Щарссанил лякьлуву оьрчІ хьуну, га дунияллийн букканнин 40 нюжмар шайсса дур, бувну махъ щарсса марцІ дуккангу 40 гьантта шайсса бур. Аллагьу Тааьланал мукьцІалуннил ккал шамила кІицІ ларгун дур мубараксса Кьуръандалуву: Муса идавсил (аь.с.) Тур зунттуй 40 гьантта хьуну бур, 40 шиннай ягьуди чулданийх буклай бивкІун бур. Мяйжаннугу, инсаннал оьрмулуву 40 шин – му бур оьрмулул бачІи. Ва дунияллий цими шин уттигу хьувив цик Гулссар? Гьамин 40 шинаву, цала ларгми кьинирдал гьаржагу тІивтІуну, инсан ачай миннул хІисав-ккал дуллай, ларгми кьинирдал кьимат цІуницІа бишлай.

Бусурман душварал 40 хІаллу байсса бивкІун бур, цивппа ттигу щар къавхьушиву ккаккан бан. Щар хьуния махъ, кІива хІаллу байсса бивкІун бур. Ялагу 40 хІаллу бан ихтияр диркІун дур 80 шин хьусса хъаннихь, цала жяматраву бугьлагьисса лахъсса кІану ккаккан баншиврул.

Алав Алиев



Балайчи. Педагог. Дакьаврил вакил.

Ттун СалихІат Валиева ччянива кІулли, жул ххуллурду цимилагу хьуна-бавкьуссар. Га жула журналданул обложкалий бикІаншиврия ихтилат багьувкун, ганищал интервью дан хІукму хьуссар. Мукун жул журнал СалихІат Валиеващал хьуна бавкьуссар чяйлул чашкалух. Жу цаннин ца къаккавккун хъунмасса хІал хьуссия, мунияту хьунабакьаврия ххари хьунав, ихтилат барду ванил оърмулия, творчестволия, жяматий давурттая ва мукьахуннай дантІимуния.

«Ттувун цила искусстволул шавкь рутай, мунил цинявгу бутІрал - музыкалия ва къавтІаврия тІайла хьуну живописьрайн ва архитектуралийн бияннин, – буслай бур СалихІат Валиева. Ва цуппагу хъанахъиссар Татам Мурадовлул цІанийсса Дагъусттаннал ПаччахІлугърал филармониялул машгьурсса академический певица, высший квалификациялул педагог, Аьрасатнал аьмсса образованиелул вокалданул классрал 35 шинал стажгу бусса Бусравсса зузала, ГД-лул СФ-лучІасса Молодежный парламентрал образованиелул ва элмулул гьанумур Экспертный советрал член, ГД-лул СФ-лучІасса Молодежный парламентрал культуралул Экспертный советрал член, РД-лул ХС-лул депутат ХІажимурад Малаевлул кумагчи, Аьрасатнал Журналистътурал союзрал член, Московливсса Международный дипломатический «Amicability» клубрал эксперт, Московлив АьФ-лул ПрезидентначІасса Дагъусттаннал Постпредствалул Общественный Советрал активистка, ООН-далучІасса UPF Юнеско-лул Дакьаврил вакил, ДР-лул Образованиелул ва элмулул министерстволучІасса Общественный Советрал секретарь. СалихІат Валиеван дуллуну дур Гиппократлул орден СВО-лий

гьуртту хъанаминнан кумаг буллалаврихлу, дуллуну дур «За верность Дагестану» медальгу.

Мяйжаннугу, СалихІатлул регалияртту чансса дакъар, ванил давурттал майдан гъартасса бур, мунияту буккултрангу ччан бикІанссар муних вичІи дишин.

- СалихІат, вил чялишсса жяматий даву ва вил оърмулул миссия ссавури бусса?
- Дагъусттаннал халкыгу, билаятрал цайми регионнал халкыгу цала-цала культурартту кlул даврийхчlин ва ми гъан даврийхчlин цачlун шаву; жула хъунмасса билаятрайсса халкыуннан цала гывасрал ва цlушиннардал щаращи куннал куннащалсса творческий диалограву лякъаву мури ттул мурад.
- Му цІакьсса граждан позициялул дайдихьу ссаяту хьуна?
- ОьрчІ заманнайра кулпатраву дуллусса тарбиялия. На бувссара, хъунма хьуссара, яхъанай, зий буссара Каспийскалий, амма ттул буттал мархри Ахъушиял райондалийсса МухІиннал шяраватуссар, ниттилми Ккурттайнаятуссар. На оьрчІру гьарзасса кулпатраватуссара нитти-буттал жу 8 оьрчІ бияв: ттул 5 уссу ур, ссурвалгу жу 3 буру. Бутта БахІама Аьбдуллаев шагърулуву бусравсса инсанъя, га ия 7-мур



разрядрал фрезеровщик, Дагдизель заводрал 27-мур секретный цехравусса мастер – мукунсса специалистътал чансса бивкІссар. Ппу аьпалухьхьун лавгукун, цехрал даву дарцІуссар, мунал кІану бугьанма акъа. Нину зий дия Общепитрал управлениелий.

Музыкалухун ина цукун машхул хьуссияв?

 Ттуву гьунар хІисав хьуну, буттал на музыкальный школалувун гьан бувнав. ДакІний бур мяммал ттунма пианино лавсъсса, ЦУМ-рал директорсса гьалмахчунайхчІин «лявкъуну». Ганил багьа бия 750 къуруш – буттал шанма зурул харж, премиярттугу хІалану. Жу ялапар хъанай буссияв 4 къатта бусса хъунмасса квартиралуву, ххаллилсса «сталинский» къатраву. Лагмасса двордава циняв оьрчІру бивкІссар машиналул хъирив левчуну най ттун пианино лавсун бувкІсса чІумал. ХІаятраву га ликкан бувкун, на циняннан хъун бакъасса пьеска бивщуссия ганий. Та инструмент цІанагу саламатну буссар жучІа Каспийскалий.

- Та хъун бакъасса шагьру винма цукун бизай?

- Ттун хъинну ххирассар Каспийск. На чІявуну кьатІув лагайссара, хъунмасса хІал байссар Москавлив, амма даин кІурабаяйссара шаппай, Каспийскалийн. ТачІав гъира къабагьуна ттула хъун бакъасса, марцІсса, щюллисса, ххирасса шагьрулия хъунмасса шагрулийн бизан. Бурхха Ватан тІисса махъ!

-Москавлийнсса вил аьрххи-ххуллурду ссаиГун бавхГусса бур?

- Ттуйн учин бюхъайссар «Дагъусттан культуралул Москавливсса амбассадор» куну, шикку тІурча - оьруснал музыкальный культуралул Дагъусттаннайсса вакил. Ттун ччай бур нава цайминнаву чантІ учин байсса асарду щалвагу Аьрасатнал культуралул майданнийх ппив хъанай. Ттул выступленияртту так музыкалущал дакъассар дархІуну, на инсантурал хьхьичІун буккайссара Международный дипломатический клубрал член хІисаврайгу, Госдумалул Федерациялул Советраву, Московливсса личІи-личІисса билаятирттал вакилханардавугу Посол мира UPF хІисаврайгу, Дагъусттаннал ва Аьрасатнал культура ккаккан дуллай. Цал-цал тІайлабацІу шай хъуниминнал хьхьичІ суаллу бишингу, ттула кІанттулминнал масъалартту щаллу бангу. Цал на хьунав спикер Вячеслав Володинннул лагма лавгсса журналистътурал ккучундалуву. На ганахьхьун суал буллуссия: «Тари Дагъусттаннай биялсса детсадру бантІисса, республикалий оьрчІру гьарзасса бушивугу хІисавравун лавсун? СВО-лул вирттаврал хъаннища, щахъаннищагума бюхълай бакъархха оьрчІру детсадравун булун!» Ца жучІавагу цахъис хІаллай зий ивкІсса цамур региондалиясса политический деятель уссия кахха дургьуну на ВолодиннучІату махъунмай бан ччай, амма танал, гагу ацІан увну, ттух вичІи дирхьуна. Му масъалалул хъирив лаян аьркиннай бигар бивхьуна. Утти жува бардултру – Дагъусттаннал районнай ва шагьрурдай тІитІлай бур цІусса детсадру.

Ялагу цукунсса даву дан бювхъур культуралул ва гуманитар проектирдал лагрулий?

- Жу цачІун барду здравоохранениялул, искусствалул, бизнесрал, гьайбат исвагьи даврил ва культуралул сферарду. Жул даврил хахливу хьунтІиссар чІярусса мюнпатсса ва кІулшивуртту гьарта дуллалисса мероприятияртту. Миннувун шайссаксса гьартану инсантал кІункІу бавриву хъуннасса агьамшиву дуссар. Миннувун духлахиссар жула инсантураща билаятрал яла ххуйми клиникарттаву медпомощь тІалав бан шайсса ХІакинтурал ассоциациягу, СВО-лул участниктуран ва жула билаятравун бувхсса регионнан агьалинан гуманитар кумаг бавугу.

– Цукун най дур концертиртталмур даву?

- Московлив яла машгьурми площадкарттайн буккаврил сий хъуннасса дунугу, ттун ххирар жула ватандалийми выступленияртту. Ттуща бюхълай бур репертуар язи дугьан: хІарачат бара мунивун бичин дагъусттаннал халкъуннал ва автортурал балайрду, оьрус музыка – арияртту ва романсру, хъинсса совет фильмардавасса машгъурсса балайрду, чил билаятирттал классика. Балай учара Дагъусттаннал миллатирттал мазурдийгу, цайми мазурдийгу: турк, итальян, азербайджан, испан, ингилис мазурдий.

Москавлив ттуща бюхълай бур сольный концертру, творческий вечерду сакин дуллан, на миннуйн буцара тту-

ла коллегахъул – Дагъусттаннаямигу, машгъурсса московуллал исполнительталгу.

– Ттуйнува кІулли концертирттай, гастроллай аьжаивсса ишругу шайшиву, вилгу му чулуха бусанмур бухьунссар. Тти на вичІилий буссара!

- Хъянсса ишру чІявусса бикІайвача, ттун ттунма укунсса иш хьуна: ца даргиял шяраву, аьявайсса поллугу дусса Культуралул къатлул сахІналий ттул уссул никъа кьувтІуну лавгуна полданувун. Выступление къуртал хьувкун, лахъисса гьухъул лувату гамур ттуплигу ливккун, аьрчча къатІунмур буллай сахІналия бачин багьуна. Мукунсса ишру чІявуну шайссар. ХІаз бизанмур му хьуна, концерт къуртал хьуну махъ зрительтурал ттул ттупли полданува бувккун, ттучІан кулисалухун лавсун бувкІуна, вивату арцулгу буцІин бувну.

ЦІана Каспийскалий Музыкально-хореографический образованиялул гимназиялуву вокалданул ва фортепианолул дарсру дихьлай бура.

– СахІна циван кьаритав?

- Ласнан, га ур врач, ччай бакъая на сахІналий балай тІий. Га къуллугърай уссия Чачаннаву, тай ишру къуртал хьуну махъ зий уссия травматологну, ковидрал локдаун дусса чІумал инфекционистнал квалификация ларсуна...

Ттун къаххирассар ичIаллия буслан...

– Амма буккултран ххирассар артистътурал цаламур оърмулиягу кІул буллан. Кулпат хъунмасса бурив?

- Бакъар. КІива душ, кІивагу буссар Москавлив. Марьяна дуклай бур Сеченовский вузраву, Асият - Финансово-юридический академиялуву. КІиннилвагу ххуйну балайгу учайссар, амма язи бувгьунни музыкалия архсса пишарду. Ци бур ппу гайнная рязину уния махъ!

Виолетта Ратенкова



Дуснаясса махъ

Аьжаивсса зат бур ва оьрму. Сагъний жунма ламус хъанан бикlай жула дустурахь ххуйсса махъ бусан, гайннаціа хьувкунрив жува бикlару му бухіан къахъанай, виламур дунияллий гай уттигу бусса кунма чіалай. На вихра рухіиран бивкіу бакъашиврийн, чіивинийва вихссара, щищачіав, ссащачіав къахьунтіиссара на вих бан, ливтіукун жува бувагу къабивкісса кунма бакъашайссару тіий.

Ссаятур ттул ихтилат? Гава гания – жува нач хъанан бикlару куннахь куннал дакlнийхтунусса, дакl гъили дуллалисса махъру учин, жунма мяйжаннугу ххираминнахь нахlусса, ттюнгъасса махъ бусан нигьабувсун бикlару.

Гьашину 65 шин барт лагантІиссия гьунар бусса чичун, публицистнан, ттул ттуярва оьрмулул хъунасса дуснан ва коллеган ГъазимахІаммад ГъалбацІовлун. Га лавгунни цала

творчестволул аьргъираву, захІматсса азардануща ххассал хьун къавхьуну. Му хъуннасса оьшивур хьусса РГВК «Дагестан»-далунгу, га директорнугу, цІусса идеярттал генератонугу ивкІсса национальный каналданунгу, ганал передачартту ххирасса яруссаннал халкьуннангу, дагъустаннал литературалунгу, ганал чивчумунил таржумартту буккайсса миллатру гьарзасса аьрасат халкьуннангу.

Ганан кІула мяйжанну дусшиву дангу, мяйжанну оьрму бутлангу; цимурцаннуву га мяйжаннугусса ия – оьрмулуву, дусшивруву, ччавриву, творчестволуву... Цимурцаннуву, цимурцаннуву! Ганал душмантал бивкІхьурчагума – ияхха туну га маз байлсса, мяйжаннугу сси бизан бан шайсса – гайгу ганай хІайран хъанан бикІайва. Ттун ганая пахру бикІайва. Цал на ганайн занг дурну, увкуссия: «ГъалбацІов, ттун вияту пахру бур!» ГацІана цимурца бувчІуну, ганал жавабран суал буллуна: «Буккав ина ттул лу, Хамис?!»

Ттун хъинну ххирар ганал творчество. Га дур уникальныйсса, ляличІисса, гьунар тарга тІисса. Чичайва кутІану, мяъналул вибувцІуну, поэзиялул цІу личлай. ХІайран хъанай икІайва Лев Николаевич Толстойл бувсса чичул захІматрай, цувагу хІарачат буллан икІайва гукун чичлан, цивппагу так художественпроизведенияртту бакъача, укуннасса гьар нюжмардий дуккайсса телепередачарттугу. Цал на ганал телепередачалул таржума бан бавчуссиявча, махІаттал хьуну ливчІунав ганал чичаврил системалий, гъалгъалул калимарттай, пикрирдал куртІшиврий. Та чІумал на мукІру арантурал мяйжаннугу хъаннияр ххуйну чичайшиврий. Ганал ххуйсса классический образование ларсун дунурагу, мудан дуклайна ия. Къуртал бувну бия Дагъусттаннал педагогический институтрал художественно-графический факультет, яла дуклай ивкІун ия Московлив, М. Горькийл цІанийсса Литературалул институтраву. Тикку ганайн МахІачкъалалиясса Эдгар По кунугума учайсса бивкІун бия! Чичаврил стиль хІисав дурну, ччима классический чичу ганаща кІул ан бюхъайва.

Гъазимах Гаммад – литературалул аралувусса Дагъусттан Республикалул Паччах Глугърал премиялул лауреатри, «Дагъусттан республикалул культуралул лайкъ хъусса зузалар».

Ганан хъинну ххирая инсантал, инсантурал циняв даражарттавугу яла лахъмур кьимат бищайва хъиншиврун, мунияр бюхттулсса цичІав дакъассар учайва. «Инсаннал багьа мури, мунаща циксса дулун бюхълай урив, ххишала цичІав мунаву дакъассар», – учайва.

Хиял бия ххуйсса бивкІулия. Ххуйсса оьрмулия бакъарча хиял бикІан аьркинсса, ххуйсса бивкІулияр тІун икІайва. Хъуслил хъирив хъап чайма акъая.

Яхъанай ия яргну, исвагьину, дакІ марцІсса ия цащала цувагу, цайминнащалгу, инсаннал махъа махъ учайсса акъая! Мукъувугу, тІулувугу, творчестволувугу тархъансса ия.

Жунна ганал кьариртунни цалла ххаллилсса творчество, цува ттул дус Гъазимах Гаммад Гъалбац Гов куна бюхттулсса ва уздансса.

Шанна тІутІи

На вичlан нанийни, гьанавсса тlутlул ттухь увкунни:

– Ритта на! На умудра! Ритта на! На га риттав, вин умудращал яхъанан бигьану бикІанссар куну.

– Нагу ритта! На хиялда! Ритта на! – увкунни гамур тІутІул.

На га риттав, вин хиял пишкаш бан ччан бивкlун.

Шамулчинмур тІутІулгу увкунни:

– Ритта нагу! На ччавура! ...

На гагу риттав, га вин хъиннура ххуй дизанхьуви тІий.

Хъартусса карунниву тІутІивгу дургьуну, на вичІан увкІра, гай ламусну вил хьхьчІун тІитІав. Ина пиш увкунни. Мугъаятну тІутІив ларсун, щинаву дирхьунни.

Амма жула яруннил хьхьичІ га ца тІутІи гъаргъунни.

КІура авну, на левчура махъунай гьанав. Ттун ччай бия гъаргъмур тІутІун кІанай цамур дишин.

Гьанав тІутІив ттуйн оьвтІий дия:

- Ритта на, на умудра!
- Ритта на, на хиялла!
- Ритта на, на ччавура!

Ина бияв гьаннил дазуйгу бавцІуну, ссихІ дакъа ттул хъирив буруглай. Нама уссияв гьанахух гьанай...

ГъазимахІаммад ГъалбацІов



Театр 2 / 2025

Гьарца роль – цІусса оьрму

Ахир. Дайдиху — 2-мур лаж.

Луиза Шахдилова гьуртту хьуссар халкьуннал дянивсса фестивальлай: Осетиянаву «Сцена без границ» тІисса, Ф.Волковлул цІанийсса театральный фестивальданий Ярославль шагьрулий, оьрус театрдал фестивальданий Дагъусттаннайгу («Ромео ва Джульетта», «Бернарда Альбал къатта»), ДР-лул Культуралул министерстволул «Культура – детям села» тІисса проектравугу.

Л. Шахдилова гъуртту хъусса « Бернарда Альбал къатта» тlисса спектакль лайкь хъуссар «За лучший спектакль фестиваля» дипломран Международый миллатирттал театрдал «Сцена без границ» тlисса фестивальданий. Дагъусттаннал театральный искусство хъхьич ундавриву бивхъусса бут ухлу Луиза Шахдилован ДР-лул Культуралул министерстволул Х урматрал грамота дуллуссар, мукунма лайкь хъуссар Президентнал стипендиялун.

Луиза Шахдилова гьуртту хьусса спектакльлу ккаккан дурссар Астраханнай, Нальчикрай, Бесланнай, Владикавказрай, Ухссавнил Кавказуллал прессалул миннун бюхттулсса кьимат бивщуссар.

Мунищала архІал, Луиза бур цила актриса хьунсса хиял тачІав бакъассия тІий. Ва бивкІун бур учительница хьун ччай, амма къуртал бувну бур ДГУ-рал юрфак. Иш тІурча мукун багьну бурхха – ванихь тавакъю бувну бур, сахІналий роль дугьан шайрив ххал бува куну. Ванилгу ххал бувну бур – даин гивува бивкІсса кунма, багьну бур Лакрал театрданул труппалувун.



- На хъунмасса барчаллагърай бура ттула актёршиврул карьералул дайдихьулий ттущала бивкІминнайн ва вай цинярдагу шиннардий ттущалваминнайн, - тІий бур Луиза Нуховна. - Хаснува кІицІ лаган ччай бура цІуну труппалувун бувкІсса жагъилсса, гъунар бусса актёртал. Ми бур хъинну бавкъусса, циняннал хІурмат бусса. Цавай аьнтІикІахъул!

Цимигу ацІра шинай цачІу зий, ва дус хьуну бур цила коллегащал, ДР-лул Халкьуннал артистка Саният Рамазановащал, чІявуну вайннал дуэт буссар спектакльлайгу, концертирттайгу.

Цила ичІаллилмур оьрмулия буслан Луизан къаххирар, так бувсунни цуппа талихІ бусса нинугу, амудадагу бушиву – кІива душгу, кІива душнил оьрчІругу бусса.

Луиза Шахдиловал творческий планнаву тІурча дур цІусса спек-такльлугу, сольныйсса коцертругу. Тіайлабаціу хьуннав!

Виолетта Ратенкова



2 / 2025

«Спецназрал дада»

Ва ихтилат къабигьасса бия. Аида Примова-Къараханова — СВО-лул геройнал Руслан Примовлул нинур. Руслан Примов — Росгвардиялул спецназрал офицер, позывной «Самур» дусса майор-я. Запорожьелий нанисса спецоперациялуву цала къуллугърал задачартту бартбигьлай жан дуллуссар. Ванал нину рязи хъунни интервью дулун — циятува, цила къювулия, щуппа арснац в шаврия, талатиминнан ва цуппа кунма ливч миннан кумаг буллалаврия бусан.

Жу А.Примовахь хъунмасса барчаллагь тІий буру ва захІматсса ихтилат бан рязи шаврия, хьулгу бур ванил бувсмур ва цуппа кунмасса, цакуну оьрму баххана хьусса ниттихъан, щахъаннин кумагну хьунссар тІий.

«Самур»... Ва цІанилу кІулну ивкІссар къучагъ цІусса дустурангу, оьсса душмантурангу. МахІарамкантуллал райондалийсса неххал цІа спецназнал талатала Руслан Примовлул цала позывнойну ларсъссар.

- Арснащалсса жул махъва-махъмур ихтилат къуртал хьуна вай ганал увкусса мукъурттий: «Цимурца ххуйну бур, ххира дадай! На вищал ихтилат банна совещание къуртал шайхту». Му дия 2023-ку шин, июльданул 11-мур кьини, - буслай бур Аида, дардирал бувцІусса яругу жух бивтун. - ЦикІула ттун кІира ссятрава га бат хьуншиву, илгьамвагу къабагьуна! Арснал бивкІулия ттун циняннаяр махъ-я бавсса ... Щалла щарнин бавну махъ ... Намур бивкІссара гуманитарка батІлай, аьралийтуран урттул чяйрду машан ласлай. Арснащал ихтилатгу бувну кьатІув бувккукун, ялун ттурлугу дирну, чявхъ-гъарал ларчІуна, та бухьунссия ттул арс ккуллалул увтсса лахІза...

Ласгу му чІумал дустуращал вацІлуву, шашликІирттай ивкІун ия. Ххувшаврихлу кьуртти гьаз буллалийни, ганава агьи ливчуна тІар, дакІнин бувчІусса кунма...

Шаппай бавчукун, ттун вев-гьарайлул чІу баллан бивкІуна, амма ча наниссарив бувчІлай бакъая. Гъан хьура - къатлул чІарав скорый бур бавцІуну. Ласнал ниттичІан бувкІсса ххива, га тІурча ттучІан гьан бувну бивкІун бия. Къатта бур халкьуннал бувцІуну, циняв агьи тІий... Буххансса иш бакъар... На вих къавхьура – ца-кІира ссятрагу къархьуннихха ттун арснал чІу бавну. Занг дуллан бивкІра арснайн – жаваб дакъар, связьрал начальникнайн оьвчав, ганал му оьсса хавар тасттикь бувунни. «Му цува чув уссар?!» – вев тІий бура, ганал гьалмахчунал увкунни: «Ниттирсси Аидай, Руслан вана ттул хьхьичІ...»

-ХІакьинусса кьининингу га оьрчІ ур му ттухь бувсъсса цайра аьй дуллай. Ккуллалул хьхьичІун цува агьну, ттул арснал ххассал увсса жагьилнал ттуйн дадай учай, – буслай бур Аида, макь итххяххан къаритан хІарачат буллай.

– Му бала хьунсса илгьам багьайвав?

- Та кьини къабагьуна. Шинал хьхьичІ, арс отпускрай увкІний, на ганахь буссияв дяъви нанисса кlанайн малагара тІий. Ганал ттухь увкуна: «Ина на увну, офицер хъуна увунни. Тай фронтрай буминналгу буссархха ниттихъул, на яла тайннал иттав цукун ургава?» - куну. Нагу бястру буллай буссия: «ВицІа хьурча, ттул иттав цури ургантІисса?» - тІий. Гарив тІийна ия: «Къабюхъайссар ттуща

занакъаикІан...» Ганал шеврондалий чичругу дия: «Зий ура, уссу!» Мукун тІайла увкссия арс. Га ххуллийн агьну махъ, най уна къалавгун, машина махъунмай занабивтуна: жу буттащал чІурду лахъ буллалисса бавну, жу паракъат бан. На хъювсул бувккунав: ттун кІулссия ххуллия занаикІаву ххуй дакъасса аьш душиву, арсма ия на паракъат буллай: «Дадай, аьщурдийн вих машаванна». – тІий.

Му бала хьун хьхьичІгу ттун макІра ккавккуна, Русланнул бакІрайн щаву дирну, гана га цІалцІи щусса кІанайн. ЧантІ увкунав дяркъусса гьухъаву. Та чІумала ниттил дакІнил бувсуна бала биянсса. АрснацІа шаврил къюву хьхьара къашай. Утти му ттущал оърмулухун личІантІиссар.

- Му иш цукун хьуну бия?
- АрхІалминнал буслай, Минобороналул командный пунктрайн ВСУрал ракета риртун дия. 20 минут Грава миккун медико-эвакуационный группалущал архІал Руслан увкІун ия спецназрал группалул командир, майор. Тагьарданухгу урувгун, миккунма кІилчингу битайшиву кІулну, ганал хІукму бувну бия бивщуми нигьачІаву дакъамур кІанайн эвакуировать бан. Цувама, группалува ливчІминнащал архІал цалчинмур медицаналул кумаг буллан ивкІун ия. Цанна нигьачІаву дунура, боецтуран кумаг бувну бия, щаву дирсса кІия гичча цала уккан увну ия. Группа нигьачІаву дакъанийн бившиву бувчІукун, махъунай кІура авну ия, къатІраву ччаннайн щаву дирсса солдат ххал хьуну. Жгутгу бавхІуну, промедолданул уколгу бувну, га гьаз ан най унува, ялун дирну дия ялагу ца ракета. ПІякь увкусса чІу хьувкун, цува щаву дирманал ялун ивкІун ия – мунийну га ия ххассал хьуну...
- Арс чІивинийва ччай икІайвав офицер хьун?
- ИкІайва. Га уссия тІайламур ччисса. Ххирассия спорт, школалий ххуйну дуклай ия. Руслан - оьрчІаву хъунамая, жул ялагу кІива душ буссар.

Эбратсса арс, аякьа дусса, жаваблувсса уссу... Офицер хьунсса хиял чІивинийва буссия. 20Іо-ку шинал арс увххуна Пермливсса Аьрасатнал национальный гвардиялул аьралуннал военный институтравун. Му къуртал бувукун, тІайла увккун ия Астраханнайн, взводрал командирну. Мукьра шин къуллугърай хьувкун, краповый берет бакІрай бишин ихтияр дуллуна – му дур спецназовецнал личІишиврул яла бюхттулмур форма. Ивтуна группалул командирну, СВО-луву гьуртту хъанай уссия цалчинми гьантрайва. Аьралий ккаккан дурсса чувшиврухлу ва къучагъшиврухлу ларсуна цалчинмур Чувшиврул орден.

Капитан Примов биттур буллай ивкІун ур «Азовсталь», «Им. Ильича» заводирттая буккан буллалисса ВСУ-рал военнопленныйтал биян баврил ва охраналул задачартту – І2 колонна, 2000нная ливчусса военнопленный бивкІун бур. Ми захІматсса задачартту щаллу баврихлу Руслан Примовлун чІумуяр хьхьичІ дуллуну дур майорнал звание.

Аида Примовал бувсунни Руслан цала канилуминнан кумаг буллай ив-кІшиву, талатавриву жанну дуллусса гьалмахтурал гъанминнащал дахІаву диркІшиву, тархъан бувсса территориялийсса халкьуннан кумаг буллай ивкІшиву. Руслан тачІавгу цаманал балаллул чІарах уккайма къаивкІун ур.

 Къуллугъ буллалиссаксса хІаллай арс ххира хьуну ия цащала зузиминнангу, Запорожьялул халкьуннангу. Га кумаг буллай ия оьрчІан, оьрчІру гьарзасса кулпатирттан, бугьараминнан. Молочанскалийгу Русланнуя рязину бия – ва райондалий Дагъусттаннал шефство ларсун дуссар. Тикку арснан мемориал улагу дацІан дурунни. ЧІявуну дакІнин утай арс Морковкинхъал кулпатраву. Гайннал мяйва оьрчІан ва ия чІарав ацІай малаик хьуну. Запорожьяллал Бердянский райондалийсса шяраваллил бакІчи Юлия Отришкол утти цила оьрмулул девизну ккали бай райондалул комендант Руслан ПриCBO 2 / 2025



мовлул махъру: «Зу къабан бюхъайсса задачартту жучIа бакъассар ».

- Аьрасатнал аьралуннал жу тархъан бувукун, украиннал чулухми бия жу нигьал буллай: «Гьала бацІи, бучІанссар орктал, ккаккан банссарча зун оьбала цирив» тІий. ЖучІан тІурча цакуну увххунни исвагьисса, рас ивкІсса иминсса пишлищалсса жагьил. Жу ганайн учайссия «Жула Самур»...

Нину дур циняв арснал буза ичІаллил музейраву аякьалий ядуллай... Русланнул къатлуву цимурца цала кІанттай дур. Га сагъсса чІумал диркісса куццуй.

– Ди, ганал къатта музейрайн кІура баен буссар. ЦичІав экьи къадутара, ттун муниву дур рахІатшиву. Шикку лирчІун дур ганал кьанкь. ЯнналуцІа ришлай дур ганан ххирасса одеколондалул кьанкь, – кІусса ссихІ бивгьунни ниттил. – Шикку цимурца дартІун дуссар: цалчинсса тетрадру ва цалчин ванал дурсса суратру, цалчинсса наградартту ва дневникру, выпускникнал «талихІрал» гьухъри ва лентарду, разгрузкалул жилет, телефон, докумен-

тру, ганан ххирасса «Саваж» духьилул тІиртІусса флакон, кІира Чувшиврул орден ва краповый берет – ганан яла мубаракмур зат, ца на бакъа цучІав ганийн ка щун къаитайссия ...

Цана Аидал дакІ так ца иширал рахІат дуллай дур – кумаг буллай бур СВО-луву талатиминнан ва жанну кьурван дурсса талаталтрал кулпатирттан.

«Спецназрал дада» – арснал гьалмахтурал ванин укунсса позывной дуллуну дур. Ттигъанну ва цуппагу лавгун бур Запорожьелийн, хьуна бавкьуну бур цила арснал аякьа дуллай бивкІсса кулпатирттащал, мюрщиминнан ссайгъатру буллуну бур.

Росгвардиялул спецназрал офицер, майор Руслан Примовлул аьпа абадлий личІантІиссар ганал гъанминнал, гьалмахтурал, ганал ххассал бувсса Запорожьянал граждантурал дакІурдиву бакъассагу, циняв дагъусттанлувнал ва циняв аьрасатлувнал дакІурдивугу.

Виолетта Ратенкова



Юбилей 2 / 2025

Тубхат – жул «Ххаришиврул министерствори»!

ЧІал къархьуну хьунтІиссар жул ххаллилсса шяир Тубхат Зургаловал юбилей! ЧІарав бакъанма, так ванил цІа баярчагума дакІ ххари шай. Ва бур дунияллух ляличІину, аьшукьну буруглагисса инсан, тирхханнарал аккумулятор, хъинмур энергия салкьи дуллай, му циняннайхгу дачІаймур. Цуппа чун биярчагу, микку ванил цила дакІнил бутІа къабитай. Ванин кІулли бавтІми цичІанма кІункІу бангу, чан къашай бусанмургу – оьрмулувасса хавар бикІу, лувлякъу бикІу. Шеърирдугу бур ванил цуппа кунмасса, дакІнийхтунусса, цуппа кунма тІайласса.

Бувну бур Тубхат Зургалова Гъуниннал райондалийсса БацІадиял шяраву. Школагу къуртал бувну, бувххун бур ДГУ-рал филологиялул факультетравун, мугу хьхьчІунну къуртал бувну, чІярусса шинну хьуну дур яру мазрайсса художественный ва диндалул ххуллийсса литературалул редакторшиву дуллай. Яруссаннал литературалиясса дарсру дихьлайгу бивкІун бур ДГУ-раву, филологиялул факультетрай.

ЦІана ва зий бур «Гьудулъи» журналданул редакторну, республикалул яру мазрай буклакисса кказитирттал

давривугу хІалану бур.

Амма хьхьичІва-хьичІрив, гьайгьай, Тубхат бур шяир. Гьамин муна му шяиршиву дур ванил хасиятралгу, чІалачІиндаралгу, тІул-тІабиаьтралгу бизу-бикІулулгу яла иттав дацІаймур лишан...

ХІазран акъахьунссия Расул ХІамзатов жагьилсса шяиртурал кьюкьлуву Тубхат личІи буллалисса – цанна гъансса рухІ хІисав хьухьунссия. Гай дусну бикІайва – хъунасса шяир ва ганал дакІ тІайласса ученица. Амма цила Тубхатлул хъярч бай – цан кІиннанмагу яруссаннал халкьуннал лувлякъурдуя ххирасса тІий. «Расуллул гьайкалданучІа» тІисса

ххаллилсса назмулул ххуттардил буслай бур цуксса бусравну ивкІссаривгу ванин хъунасса шяир, цуксса гужсса ва асардал вибувцІусса буссарив ванил аьшукьсса махъгу.

Утти ина ура— гьайкал, ура— бусала, Ттул ягу занай бур зяйчарил ялтту, Вил ялуврив тти дур дазу дакъа ссав, Къурукъруну лехлай вил балайгу бур.

...Ттигъанну цІунилгу ккалай буссияв Тубхат Зургаловал ттунма яла ххирамур лирикалул назмурдал жуж – «НицІал щаращив». Щаращив зунттаву – ми зунттал душнил марцІшиврул, лицІаврил, адаврал, тІайлашиврул лишаннури. Ми циняв багьайссар ца Ччаву тІисса неххавун. Муна мукунсса ччаврия чичлай бур цила жужраву Тубхат.

Луттирах буруглай, дакІ дур ххари хъанай. Мужаллатрай дур виричувсса зунттал чувнал ва хІалимсса душнил сурат. Душ бувкІун бур щаращуйн варакъи щинал буцІин, гацІана микку хъанай ур ххаллилсса бурттигьугу. Зунттал кІанай чу хъанахъиссар адиминал чувшиврул, сисаврил лишан, варакъигу – исвагьшиврул, марцІшиврул лишан. Му суратрая ябатІин шайссарив – ОърчІ цала ччаврия мукъурттий акъарча буслай,



щала дунияллий машгьур хьусса къавтІаврийну буслай ур. КъавтІаврил маз... Га маз най буна бувчІайссар душнин, кьамулгу байссар...

Луттирал чІапІив бура дичлай... Вана цуппа шяиргу бувккун варакъущал цила ччаврия бусан. Щинал бувцІусса варакъулгу дуссар цила куртІсса мяъна: зунттал душнил адимина (арс, уссу, лас) тІайлагу уккайсса ивкІссар, хьунагу акьайсса ивкІссар щинал бувцІусса варакъущал. Му аьдат уттигу яхьуну дуссар зунттаву. Вана Тубхатгу бур цила ччаврил жазиралий бувцІусса варакъущал жула хьунийн бувккун, цила махІатталсса дунияллийн бачияра тІий.

Чабувкуру, хІурмат бусса буккулт! Вана бувхра на ва дунияллийн... Бувхра ччаврил асардавун...

Тубхат мякьнува ливчІсса хханссар мюрщисса нехругума ницІал нанисса зунттах. Га яла ххаримур, цала ччаврия бусласимур лахІзалувугу оьрчІан зунттал щинаву ницІал кьанкь ришлашисса хханссар, ччаву хьусса жагьилнан тІурча циняв щаращив ницІаллихха бувцІусса!

Тубхат Зургаловал назмурдаву дур тіуркіулул рифмарду, авадансса бур поэзиялул словарь ва культуралуціун дархіусса тематика. Миннуву интригалул эціагу бур. Му интригагу хьун бай лирикалул героинял сипатрал.

Ванил героиняхъул бур ччаврил, гармониялул дазу дакъасса дунияллий. Га бур ссурулунгу лехлай, аьрщарайнгу бучІлай, кІани-кІанттай ганил чІаравгу ур ххирама. Акъарив ганил дакІ цуппалушиврул къума дуллай дур. Га бур ялугьлай – вана цІана тІитІинссар нуз, ухханссар цила макІурдил ва магърал герой тІий.

Га сислай бакъар ганахь цила ччаврия мукІру хьун. Мукунсса дур зунттал закон. Ххираманалли хьхьичІ цаламур ччаву аьч дан аьркинсса. Мукунни душру зунттаву тарбия байсса, ми цІакьсса зунттал законну дуручлангу душ буржлувссар.

Укунсса дур ва эмаратсса луттирал мяънагу – поэтесса оьвтlий бур зунттал душварайн ва жагьитурайн цала буттахъал аькьилсса законнахгу, миннал жухъра дирхьусса дарсирдахгу къулагъас дуллулияра тlий. Муниву дур луттирал ххуйшиву ва мунивусса тарбия баврил потенциал.

Тубхат Зургаловал назмурдаясса яла хъунмур асар ци бур учирча, на учивияв: «Хъамитайпалул аькьилшиву». Му аькьилшиву, ва ялагу гуж, цІакь, яла-яла, поэзия най бур цинма гъансса зунттал улклува.

Тамансса Тубхат Зургаловал назмурду балайрдайн кlура дарну дур. Ми балайрду тlий бур халкьуннаву машгьур хьусса балайчитал – АхІмад Закариев, Ххадижат Джамалудинова, Магоммадтамир Синдикьов, Эльмира Аминова ва цаймигу.

Хасавюртуллал къавтІаврил ансамбль «Дагъусттан»-далул цаппара къавтІавурттугу дур Тубхат Зургаловал мукъурттийсса балайлухун дуллалисса. Циванни мунилми махъру лавсъсса? Миннуву дунутІий зунттал душнил адав-намусрал дуцин.

Казбек Мазаевлул увкуну бур: «Дагъусттаннай дакъар балайчичу-шяЮбилей 2/2025

ир тІисса цІа, яла ххуйминнун ккалли бай макьандалий дакьайми назмурду, ми бигьану бишин шай музыкалий ва балайлий тІун бикІай. Иялхьусса шяирнангу ккалли ай цал махъру балайрдавун багьма. Му чулуха Тубхат Зургалован хъунмасса тІайлабацІу хьуну бур – чІярусса ванил назмурдая балайрду хьуну бур... Ттул пикрилий, личІину ванил гьунар бур ччаврил лирикалуву. Яруссаннал халкьуннал яла хъинми традициярттай чирчусса ва журалул назмурдаву бикІай асардал ляличІисса пар, цІушиву ва дакІ марцІшиву. Тубхат Зургаловал цила ниттин хас дурсса назмурдал хъунмасса цикл, критиктурал ва шяиртурал тІутІимунийн бувну, махъ шиннардийсса яруссаннал поэзиялуву итталун багьсса иш хьуну бур».

Дагъусттаннал Халкьуннал шяир, Чичултрал союзрал председатель МахІаммад АхІмадовлул увкуну бур, Зургаловал назмурду «драматизмалул видурцІусса дур, миннуву, тунну кунма, бишлай бур хъаннил кьадар, ми бур пасихІсса, лирикийсса, простойсса ва бувчІайсса. Зургалован куртІну асар хъанай дур чІунгу, цила чІумул инсанталгу; ххари буллай буру ванил дакІнил чаннал шаэрнал гьунарданул. «ЛухІи лачак» тІисса, ниттил аьпалун хас бувсса назмурдал жужрал цал уттигу чІалачІи дурунни авторнал шеърирду чичаврил усттаршиву. Шикку ванил цила къюву кІура дарну дур Аьрщарайсса циняв ниттихъацІа хьуминнал къювулийн», - куну.

Чичу Гъазимах Гаммад Гъалбац Гов т Гий ур: «Яруссаннал поэзиялуву ч Гавур оьтту-ттурч Гавун бюххайсса шеърирду, амма укун дак Гнивун буххайсса, гиву ххилт Гут Гисса, зузисса... мукунсса шеърирду хъинну чанну бакъа хъуна къабакъай. Барчаллагъ, Тубхат»

Лагмасса дуниял, оърмулул мяъна, циламур кlану чlалачlи буллалисса темардая махъ дуркми назмурдаву Тубхат Зургалова букІлай бур философиялул мяъналийсса дунияллух бургаврийн. Ванил шеърирду куртІ

хъанай бур – цилами асардава ливчуну, ва бур циняннан аьмсса кьанунная пикрирду буллай.

Поэтессал ца чулийн бувксса хиялну хьуну бур мюрщи оьрчІансса (дошкольниктуран ва мюрщими классирттал оьрчІан хас бувсса) дуккаврил пособие «Алипба» ягу «Ттул ххаллилсса Азбука». Ва бур хъинну ххуйсса издание, Анна Самарскаял иллюстрациярттугу дусса, ванил тиражгу дур Іо азарва экземпляр. Ва хъинну ххуй бивзун бур цинявппа ниттил мазурдий дак І цІуцІиминнан. Авторнал мюрщисса буккулт кІул буллай бур буттал улклул авадансса, цинналусса культуралущал, кьуннал багьу-бизулущал

«Ва ттула миллатрансса ттул бахшишри», – тІий, ххарину бур Тубхат.

202I-ку шинал «НицІал щаращив» тІисса луттирахлу Тубхат Зургалова лайкь хьуну бур Расул ХІамзатовлул цІанийсса ПаччахІлугърал премиялул Лауреат тІисса цІанин.

2023-ку шинал, Т. Зургаловал халкьуннаву машгьур хьусса дуккаврил пособие «Ттул ххаллилсса Азбука» лайкь хьуну бур ХІажи МахІачевлул Элмулун, образованиелун ва культуралун кумаг баврил Фондрал премиялун, Мусил медальгу хъирив дуллуну. Тубхат бур яру мазрайсса «Букварданул» автортуравугу.

Яруссаннал Региональный национально-культурный автономиялул чулуха Т. Зургалова лайкь хьуну бур ХъахІабросолиясса МахІмудлул цІанийсса Жяматий премиялун, Шамиллул премиярттал Дунияллул фондрал ванин дуллуну дур хІурматрал лишан ва «Имам Шамиллун 225 шинан» хас дурсса премияртту.

Барча буллай буру Расул ХІамзатовлул цийн «Ххаришиврул министерство» увкусса Тубхат оърмулул 65 шин шаврищал, чІа тІий буру творчестволуву цІусса бюхттулшивуртту!

Баху Мухидинова



Амри Рзаевич Шихсаидовлул (1928-2019) ц1а машгьурну дуссар жула республикалий ва жула билаятрай дакъассагу, дазул кьат!увгу. Га ия историялул элмурдал доктор, профессор, Дагъусттанналгу, Аьрасатналгу элмурдал лайкъ хъусса ишккакку, Аьрасатнал элмулул ва культуралул аралувусса паччах!лугърал премиярттал лауреат, «Дусшиву» ва «За заслуги перед Республикой Дагестан» орденнал кавалер, Дагъусттаннал история ххал бигълагьисса ч!явусса луттирдал автор. Амма ганащал цач!у 70 шинайсса оърму бувтсса, ганащал ххаришивуртту ва къурч!ишивуртту к!идач!лай оърмулувух най бивк!сса, га уруччай х!урулъэнну бивк!сса ганал кулпатрая к!улссар так гъан-маччаминнан ва даврил уртакътуран. Жула хаварданул героинягу мури — Шихсаидова (щар хъуннин — Давыдова) Рэя Сергеевна. Ганил ппу ивк!ссар осетин, нину — оърус, цуппа — бик!лилва ленинградка, дагъусттан ххира хъусса.

Оьрмулул дус

Рэя Сергеевнал тайласса отчество – Георгиевнари. Ганин дахьра 4 шин хьусса чумал нитти-буттал оьрмулул ххуллурду лич и хьуну бур: ппу тайла увккун ур билаятрал агьамсса завод буллалисса канайн, нину лирчун дур Ленинградрайра зий. Мадарасса шинну ларгун махъ ганин дуллуну дур аьвкъун буттал отчество...

Архсса 1936 -ку шинал Рэя бувххун бур Петроградский райондалул № 2 школалувун. Ххюлчинмур классраву бусса чІумал, І94І -ку шинал шагьру блокадалуву бивкІун бур. І942 -ку шинал, блокадалул щинзир чІуллан диркІукун, га эвакуировать бувну бур цал Сталинградрайн, яла, душман гиккунгу гъан хъанан ивкІукун – Удмуртиянавусса Воткинск шагьрулийн. Ленинградрал ццахханнусса блокадалиясса ганил дакІнинбичавуртту рирщуну дуссар «Детство, опаленное войной. Дагестан. 1941-1945 гг. Воспоминания» тІисса сборникраву (Махачкала, 20І5).

І944-ку шинал чІавасса Рэя занабивкІссар Ленинградрайн, дуклан бивкІссар № 335 школалий, школа къуртал бувссар 1946 -ку шинал. Гара шинал, бувхссар Ленинградvниверситетрал Восточный ский факультетравун, туркнал отделениелийн. ХьхьичІ ганин цила подругащал буххан ччай бивкІссар Аьрасатнал И.Е. Репиннул цІанийсса Ленинградский живописьрал, архитектуралул ва скульптуралул институтравун, амма гикку миннахь ссавур дувара увкуссар, гайннан уттигу гивун буххан ччяри куну. Га институтрал чІарав Васильевский островрай бивкІссар мува куццуй машгьурсса ЛГУ-рал Восточный факультет, душругу миккун лавгссар, баргъбуккаваллил мазру лахьлан ччан бивкlун.

Ва Восточный факультетраву Рэян кьисмат хьуссар архсса ва ссигъасса Дагъусттаннаясса Амри цІа дусса жагьилнащал хьуна бакьин. Вагу ивкІссар цала машгьурсса буттахъал шаттирай ша бизлай, ухссавнил столицалийн аьраб маз лахьлан увкІун. Шикку вайннахь лекцияртту ккалай бивкІссар машгьурсса аьлимтал-востоковедтал — академиктал И.Ю. Крачковский, И.А. Орбели, В.В. Струве, В.М. Жирмунский, профессортал В.И. Беляева, А. Ю. Якубовский, ва ц.

І95І-ку шинал майрай Рэя ДавыхьхьичІунну дурурччуссар дипломрал даву «Положение национальностей в современной Турции». ДакІний лирчІсса августрал кьини, I95I-ку шинал, выпускниктуран дипломру булаврил шадлугърай Амрил Рэяхь цанма щар хьуну, цачІанма Дагъусттаннайн бучІан предложение дурссар. Однокурсникнал мукъун Рэял учалалийну жаваб дуллуссар: «Гьанттайн чІумуяр кІюрх аькьилссар», - куну. Икьрал дурссар гьунттий, кІюрххил II ссятраву Дворцовый площадьрай хьуна бакьин.

Амрил хьхьувай шанул ккик къаувкуссар. Шанай къабивкІссар Рэягу. Хъиривмур кьини, ккаккан дурсса чІумуяргу хьхьичІ жагьил ивкІссар Ленинградрал центрданий авцІуну. ІІ ссят ва Іо минут... ІІ ссят ва І5 минут... «КъабучІанссар... Юх, ацІанна ттигу»,— пикрирдай ивкІун ур дагъусттан-оърчІ. Дворцовая площадь дуцІлай диркІун дур лахьхьусса выпукниктурал, хІакьину дипломру канихьсса специалистътал хьусса. Амри, хъун бакъасса саквояжгу



канихьну, ссятрах ябитлай ивкІссар. Вана II-нил хъирив 25 минутгу хьуну... Ачлан ивкІсса Амрин хІисав хьуссар цала чулухунмай нанисса цанма кІулсса ятІул берет. Га бивкІссар цила ниттия рухсатгу лавсун, инсантурал ккучундалувух цила язи увгьуманачІан нанисса Рэя. Хъямалагу багьну, гай анавар бувкссар муххал ххуллул вокзалданучІан, цала бучІантІимунийнсса билетру ласун, яла лахъисса ва талихІ-тирхханнарайсса 68 шинай цачІу оьрмугу бутан.

Рэя Давыдовал оьрму кІива бутІуйх бавчІуссар: ца — Дагъусттаннайн бучІаннинсса, цагу — Дагъусттаннайн бучІаннинсса, цагу — Дагъусттаннайн бувкІун махъсса. Га бур дакІнин бутлай: «Гьарца остановкалий поездрачІан дуканмур ларсун бучІайва кІанттул инсантал: ччатІ, шавхьсса аьнакІив, ккунукру, щюллишия. Проводницал жун дулайва дахьрамахьра нацІу дурсса чяй. Качар кьянатну бия. Амма жул чанкьансса запасру дуссия. Мукун най-най, жубивунав Белиджи станциялийн».

Цалчин Амрил Рэя бувцуну бур цала буттал шяравун Кьасумкантлив, цала ниттищал Ханум Шихсаидоващал кІул бан. Хьуна бакьайни Ханум-бах аьтІун бивкІун бур. Ми диркІун дур ххаришиврул макь. Цайми, кьурчІими макьгу ганил оьрмулуву диялсса хьуну дур. І930-ку шинал 37 шинал оьрмулуву аьпалул хьуну ур ганил лас Рза Шихсаидов, Дагъусттаннал здравоохранениялул цалчинсса Нарком. 1942 -ку шинал интнил ахирданий фронтрая бувкІун бур цалчинсса оьчагъар, мартрал Іо-нний ванил хъунама арснал, лейтенант Аскердул виричусса бивкІу лавсунни тІий. Маоьлий диркІун дур щалла щар. Ца шин хьуну, бувкІун бур кІилчинмур оьхавар – І943-ку шинал февральданул І2-нний Краснодардал крайрай, стратегический лахъшиву ласласисса талатавриву къучагъну ивкІунни ванил лявма арс Атем тІий.

Рэя Сергеевна дакІнин бутлай бур, Ханум Агъамирзоевнал цуппа хъинну гъилину кьамул бувнав, хъямала багьуна тІий. «ГацІана бувцуну, къатта ккаккан бувна, шикку ялапар хъанахъу куну. Хъиривмур кьини кІюрххил Ханум-бах даврийн лавгуна, га зий бия Кьасумканлтивсса больницалий медсестрану. Амри лавгнуккива райсоветрайн даврил хІакъираву. На шаппа навалу ливчІунав. ЧІаххущарний ялув бивхьуна ттух дуруглан, гъанминная архну на аькъатІуншиврул. Му бавну, на ххари хьунав, макьгу хъиннура дарчуна. Ниттил ттухь увкуссия: «Инава ххуйну кьамул къабарча, махъунмай бухьхьу, яхІ мабулларда!» Ттуннив палчинмур кьинива Шихсаидовхъанний тІааьн бивзуна...

ДакІний бур ттула оьрмулуву цалчинсса лезгиял афарар-буркал ва ччатІул – хьран фу – тІин. Хъинну нахІусса дукрану чІалай дия ттун ми. На даин утту бишин хьхьичІафарарданул касак букайссия. ДакІгу паракьат хьуну, нахІусса шанугу бияйва. Ккашилсса шинну дакІний дия – дяъвилулхьун хьхьичІми, дяъвилулмигу».

Цаппара хІаллава жагьилсса кулпат МахІачкъалалив бивзун бур. Цал бивкІун бур лаякъатлуву яхъанай, яла, жагьилсса элмулул зузалтран Каспийский улицалийсса (утти ул. Хашаева) мюрщисса финский къатраву ца къатта буллуну бур, гайра къатраву бивкІун бур ца цамургу Ленинградраясса кулпат – Владимир ва Валентина Котовичхъул, гайгу бивкІссар Дагъусттаннайсса археологический элмулул бакІщаращуй, яла машгъурсса археологталгу хьуссар.

Амрил ва Рэял лахъисса оърму лавгун бур вай хъуни дакъасса, амма рахІатсса къатраву, вайннул личІисса аурагу дур гиву яхъанай бивкІминнацІун дархІусса.

СССР-данул Элмурдал Академиялул цІуну тІивтІусса Дагъусттаннал филиалданун ххуйну хІадур бувсса профессиональный кадрарду аьркинну бивкІун бур. Жула жагьилсса лас-щарнилгу цала кьадар му идаралуцІун бавхІуну бур. І95І-ку шинал ноябрьдания байбивхьуну, Рэя зий бур Дагфилиалданул библиотекалуву старший научно-технический сотрудникну, Историялул, мазрал ва литературалул Институтрал Рукописный фондрал заведующийну, І959-ку шинал – элмийсса сотрудникну. 40 шинай зий бивкІун бур Р.С. Шихсаидова АН СССР-данул Дагъусттаннайсса филиалдануву, пенсиялийн бувккүн махъгу цинма гъан хьусса институтращалсса дахІаву ванил къакьариртун дур.

Рэя Сергеевна Шихсаидова чІявусса элмийсса статьярттал автор хъанахъиссар. Хъунмасса хІаллай ва лайкьсса даражалий буллалисса захІматрахлу ванин дуллуну дур медаль «ЗахІматрал ветеран», дур «В память 300-летия Санкт-Петербурга» медаль, дур хІурматрал лишанну – «Жителю блокадного

Ленинграда», «В честь освобождения Ленинграда от фашисткой блокады», дур хІурматрал грамотарттугу.

Университет къуртал бувну махъгу Амри и Рэя Шихсаидовхъал цала однокурсникатуращал – Восточный факультетрал выпускниктуращалсса дахІаву дуцан къадиртун дур, миннаву чансса бакъар билаятрайгу, дунияллийгу машгьур хьусса востоковедтал - элмулул доктортал ва кандидатътал; сокурсниктураву кьуя бур блокада дурхІусса, урчІа – дяъвилуву гьуртту хьуну, орден-медаллу ларсъсса бур. Кьисматрал вай личІи-личІисса кІанттурдайх ппив бувну бур, амма ми цимилагу бувкІун бур хъамал ххирасса ва чумартсса Амрил ва Рэял ичІунмай, цачІун бавтІун лавгмур дакІнин бутан, цала ххаришивурттая ва дурмуния бусан, Дагъусттаннал достопримечательностьру ххал дан, цанма ххира хьусса улклуйн яла-ялагу бучІаваншиврул.

Рэя Сергеевнал ва Амри Рзаевич Шихсаидовхъал цачІу хъунмасса, 68-шинайсса ххуллу бивтун бур. 2019-ку шинал Амри Рзаевич дунияллия лавгунни. Рэя Сергеевна бия ганащал элмулул давугу, оърмугу кІибачІлай, ганал чул бищай кІануну ва ганал ужагъраву иІу ядуллай. Амри Рзаевичлуя хъунасса аьлимчу, исто--востоковед шавриву, мунал лахъсса элмулул ва хІурматрал званияртту ва наградартту ласавриву, мунал канила чІявусса луттирду ва публикацияртту дуккавриву, мунал Дагъусттаннал историялуву кІулну къабивкІмур кІул бавриву хъунмасса бутІа буссар Рэя Сергеевналгу, ганал оьрмулул ххуллул гьалмахчугу, ганал ххуллу ккаккан бай чаннацІукугу хьусса.

> Саид ХІажиев, Аьрасатнал Журналистътурал союзрал член



ТІутІал кацІ

КІюрххияціа гужну гъарал лачІлай дия, чіавхьулттайх ришлай. Чіявхълул дакі ціюрукьин дуллай дия, хіакьину на данмургу лирчіуна. Ссят хьунни къатлувух занай, ссаха зунссарив къакіулну. Яла дуркіунни дада, чердакрайсса буза лакьи кунни, – цимилгу цакьнивагу увкуссар. Къачча-къаччайна авчура кіийн, ттущала ччитугу бувцуну.

– Вайксса буза-кьуза! Чунни вай бичинтІисса? – оьвчав на кІия дадайн. – Вай ссан аьркинссар? Пух-пусур! Экьи дича кьарити! Ци-

ванни вайннуву ххилтІу тІунгу?! – чІур-чІур тІий ура ттухьва нава, амма ниттищал бясру буллай пайда бакъар.

Ттул хьхьичІ бур хъунисса къуршив, далухІив, бухсса, ххит бавкьусса чемоданну. Къисгу ивкІун, гайххилтІу буллан ивкІра. Гайннуву дакъасса дакъар: ттул чІивинийсса игрушкартту, гъяр-гъартІалт, вичІигу дурцсса ттул бухсса бюрхгума бур. Бюрх ккавккун, ччитул, бархІгу ккуртта бивтун, ца гъургъу бунни. Ттун ваний хъяхъаву ларчІунни, дакІнин багьунни нава ва

игрушкалущал шанангума икІайсса ивкІшиву, уссища ва зехлай дайсса къалмакъаллу. «Ва лахъи вичІив ттул дусъяхха», - тІисса пикри хьунни. Ччитумур хьулувун левчунни, ттул итталуннив багьунни нузал ялувсса чІамуй бивхьусса ца чемодан. КІанил ранггу формагу гайминнуха къалархьхьусса дур. «Вана дикІайкунсса раритет», - пикри хьунни ттун, кІагу бучІан буллай. Чемодан бигьану тІивтІунни, кьатІ дав гиву думур. Гиву дия ттунма къакІулсса инсантурал суратру, бурчул мухІлу, металл кьукьайсса къяцІри, ссувссусса пилотка ва ятІулсса лентагу бавхІусса кьаркьсса тІутІал кацІ. Ттул карунниву тІутІал кацІ зивзуну лавгуна. Каругу кьатІ дурну, суратругу ларсун, на ялавай увчІра.

– Дадай! Ина чув дура? – оьвчав на– Суратирттайсса ва цур?

Ялугьлан багьуна ниттил иникьаллуцІасса каругу шюршуну, яругу бишиннин. Ларсуна фотографияртту, гацІана ганил яру мукьал бувцІуна. Зурзу тІисса чІуний, гъалгъа тІун диркІуна:

- Ва ттул ниттиуссур, ттул ххаллилсса ниттиуссу Нисаламамаев МахІаммад! ХІайп, ччяни лавгунни! Я кулпат, я оьрчІу бакъассар, мугьлат къавхьуссар...
- Цукун? Га ттухь мяммал буслай ивкІсса Maxlammaд? Дяъвилий ивкІсса, жучІара къуршилуву ганал медаллугу дусса?
- Ди, ди, бакІ дуруна ниттил, гана га цува!
- -Ванал шикку жагьилшиву, дадай! Ттуяр цахъис хъунасса унуккар!

-Хъунассар, арс, так къахъинну хъунассар. Дяъвилийн ливхъссар ацІния ряхра шинаву, махъунай кІура авссар 20 шинаву, щавурдари хьуну, миннулли дуниял къаритан-

гу увсса. Планну дуссия, гьалмахщарния буслай уссия, хъин шайхту мугьи гьанна тІий. Сакъатну акъача, цІуллу-сагъ хьувкун. Къанясив хьуна, лавгуна дунияллия, цала хъуннархьусса нину –ттул ниттил нину Асиятгу аьтІий кьадиртун,

Чердакрайн чемодандалул хъирив лавхъун, гания лахгу ливхьуну, на га ттула къатлувун ххюрхху бав. На цимилгу ххал дав гиву думур, паракьатну, личІлулну цимурцаннух уруглай. Ттул къюкІ гьалакну ришлай дия. На яру лакьав, га сагъну хьхьичІ ацІан ан ччай. Дихха! Вари ттул герой, ванал дяъвилий дурсса къучагъшивурттая ттун чІивинияцІа баллай буссия.

Шанавун лаглан ивкІукун, ттун пикри хьунни: «КІа ци тІутІал кацІ биявав? КІа кІанан дадал ягу цу-бунугу душнил буллунавав? КІа циван ябуллай иявав?»

Хьхьучанихьун ттун дяъви макІра ккаклай бия: ттупру пІякь-шякь тІий, лачІал къурду лухІисса пуркІураву... КІюрххицІун, шанавух бавунни ттуна къакІулсса адиминал чІу: «Ттул чІун къархьунни, бувчІайрив, чІун къархьунни! Ина була тІутІал кацІ. Ттул кацІ! Чара бакъа була!»

Чанті куну, на тахлия тіанкі дав. Нигь дагьуна ттувун, чіенпи кьаркьуна, занан ивкіра къатлувух, яла щяивкіра, паракьат хьунмур буллай. Яла ццах лавгун, махіаттал хьунав: «Ттун ганал чіурив бавсса? Гарив ттущал гъалгъатіий ивкісса? Махіаммад? Ивкіусса? Щинни тіутіив дулунтіисса? Щин? Бувчілай бакъар».

Най бия гьантри. Ттун га иш хъамабитлан бивкІуна. ДуркІуна Кубачиял инт. Ттюнгъасса дарачив, ччиккул тІутІив дия аьрщарава бургъичІан хъита тІий, гъелишиврийн кару тІитІлатІисса кунна.

Жу оьрчІащал бувкру къуруппай, на хъинну ххари хьунав жула одно-классницахъул Марьян ва Айзанатгу хьуна бвкьуну. Ттун чІивинийва ххуй бизайва Айзанат, ччаву хьуну дия учингума бучІир. « Ялугьлай яру буккавай урахха», – хъярч бувна цал жул математичкал.

«Амма циванни – «дия» учин?» – пикри хьуна ттун. ЦІанагу ганил караматсса щюлли яруннил ттул къюкІ ришлаши дуллай дурха. Ганил ттухьва цирив увкукун, ташвиш уккаврил ттун чІугума къабавуна. АвцІуну цІувххукун, ттун бувчІуна га ттухьва цищала хІатталив ачу тІий бушиву, цила ниттил ниттирссил гьав кьаркьсса урттуцІа марцІ дан.

 Навалу гьан нигьа буслай бура, жул кулпатраву оьрчІру бакъар, цавай душру... Бава ччянира дуссар насу тІий, – ламусну увкуна Айзанатлул.

Циван къагьавияв, жу циняв лавгру ганищал хІатталив.

Гьав мяйжаннугу урттун тартун дия, дукІусса урттуха буркІунттуйсса суратгума чІалай дакъая. Цимурца марцІ дурну махъ, жу банд лавгун ливчІунав: буркІунттуя жух буруглай бия жула одноклассница Айзанат! Циняв куннах кув буруглан бивкІуна, душру, нигьа бувсун, махъунмай хьуна. Так ца Айзанат бия паракьатну, пишгу куну:

- Манигьабусари, амудадал ссу хъинну ттуха лавхьхьусса бивкІссар!
- Шикку цlагу вил дурхха! махІатталну увкуна жул одноклассник Давудлул.
- -Ди, жул цІагу цара цари, ттаттал ттун ганил цІа дирзссар, жул кІинилвагу яру, зумрутрув кунма, щюллисса бунутІий, увкуна Айзанатлул. Ялагу... КІуллив, Мурад... Амудадал учайва, ниттирссин

хъинну ччай ивкІссар вил гъанчув, MaxIaммад дунуккива ганал цІа. Дяъвилиягу зана хьуну, хъунма хІал къавхьуну ивкІуну ия цувагу. Га цуппагу лахъикъалавгун бур.

Айзанатлул бувсуна, цила ниттил ниттирсси школалий бунава МахІаммадлух ччаву хьуну бивкІшиву, гайннайн лагмасса циняннал буцай оьрчІ ва буцай буш учайсса бивкІшиву. Га дяъвилийн лавгукун, Айзанат ганах ялугьлай бивкІшиву. Амма дяъвилия увкІукун МахІаммад ганичІан къаувкІун ур... гагу щар къавхьуну бур...

«Та Айзанатри бивкІсса, – пикри хьуна ттун, – МахІаммадлуща танинни тІутІив дулун къархьусса, тана танин... Ттун къакІула, ва щюлли яруннихь цукун бусантІиссарив, цукун бувчІин бантІиссарив ттунма шанавух бавмур. Хъянсархха тІий, нигьаувсунав, амма букъавсун битангу къабучІия. Уъ-муъ тІий, бусав цимурца: лявкъусса чемодандалиягу, ттула каниву луххайн бувксса тІутІал кацІлиягу.

Айзанат, ссихІ къадурккун, ттух вичІилий бия; га кьарчІ бивкІсса кунма хьуна: нигьал-яв, интнил хІукъулул-яв. Ахиргу бавуна ттун ганил махъру:

- Бачи, бачи тІутІив дан! Жува булунну тІутІал кацІ, ина га була ттул ниттил ниттирссин, баяйрив?! Ина була, МахІаммадлуща къавхьунутІий... Жунма аьркинссар...

Ттюнгъасса интту тІутІал кацІ бия сагъний ганих ялугьлай бив-кІсса Айзанатлул гьаттай.

Кубачиял ялтту най дия ццунсса, ттурусса ттурлу.

ВЕДЁТСЯ НАБОР

в группы по художественной гимнастике









Общая физическая подготовка



Спортивная подготовка



Выполнение разрядов



Тренеры-мастера спорта России



2 / 2025

Профессия – это судьба...

Бытует мнение, что, выбирая профессию, человек выбирает свою судьбу. Так считает и наша героиня Халимат Магадова, в семье которой романтика профессии стала частью биографии.

И в самом деле, отец, Рамазан Шабанович, всю жизнь проработал в системе МВД, он профессиональный адвокат. Супруга, Айшат Валигаджиевна, много лет отдала судебной системе, будучи судьей Каспийского горсуда, Верховного суда республики.

– Так или иначе каждый из членов семьи – а нас, детей, четверо – мечтал о карьере юриста, – рассказывает наша героиня. – Еще учась на юрфаке ДГУ, я имела представление о нотариате. Но интерес пришел позже. Что меня заинтересовало? Наверное, то, что роль человеческого фактора является в этой профессии первостепенной. Другая сторона имеет прямое отношение к доверию людей. Даже став опытным нотариусом, специалист продолжает учиться, повышая квалификацию, вдумываясь в смысл новаций, применяемых в практике.

Халимат рассказывает, что после окончания вуза прошла стажировку у частнопрактикующего нотариуса и со временем получила лицензию на право заниматься нотариальной деятельностью.

- Я благодарна каждому, кто принимал участие в моём становлении, кто помогал профессиональными советами, был для меня примером и мотиватором. Нотариус, - делит-

ся Халимат Рамазановна, – это ведь, скорее, не должность, а состояние души, и ты должен обладать вместе с профессионализмом ещё и коммуникабельностью, честностью, человечностью. Ежедневно сталкиваясь с конкретными вопросами конкретных людей, решая их в правовом поле, осознаешь, что ты должен оставаться человеком.

«Телепортация» цифровых технологий

За печатью нотариуса на каждом документе кроется многолетняя практика, считает Халимат, ответственность за совершенные действия, за которые он несет уголовную и даже материальную ответственность. И здесь важно держать руку на пульсе новых законов и изменений в существующих.

– При этом каждый из нас, нотариусов, – замечает Халимат Рамазановна, – отвечает за свои действия, контролируют которые региональные нотариальные палаты, федеральная нотариальная палата и Минюст РФ.

Она отмечает, что работа нотариата сегодня значительно отличается от прежней бумажной работы тем, что здесь активно используются цифро-

вые технологии, существует своя информационная система, где хранятся данные о совершенных действиях, доступные реестры доверенностей, уведомления о налогах на движимое имущество, наследственные дела. Существует даже своя «телепортация» - передача документа с сохранением его юридической силы. То есть человек может просто прийти к ближайшему нотариусу, который оформит необходимый документ в цифровом формате, направит по месту требования, превращая электронную версию в бумажную, тем самым подтверждая их равнозначность.

– Люди не всегда могут понять, что закон нарушать нельзя. И здесь важно держаться спокойно, с достоинством, не давая личностных оценок, а предоставляя возможность самому клиенту разобраться, прийти и извиниться перед нотариусом, который является посредником между законом и человеком, соблюдая законодательные нормы. Для многих ведь закон представляется лазейкой, в которую нужно пролезть любой ценой. И нотариус должен учитывать мельчайшие детали, когда речь идет, например, о недееспособных, тех, кого родственники пытаются использовать в корыстных целях.

Услуги нотариуса – это повседневность, и это не только наиболее часто встречающиеся в практике разделы имущества, наследственные дела, но и практические бытовые услуги, связанные с засвидетельствованием подлинности подписей или верности копии документа.

«Антиотмывочные» новеллы

Нотариус отмечает, что значительный блок новелл коснулся так называемого антиотмывочного законода-

тельства, предлагающего нотариату дополнительные механизмы для пресечения подозрительных операций граждан по отмыванию незаконных доходов, сделок. И в этом случае федеральным законом № 222-ФЗ за нотариусом закрепляется право отказать в совершении нотариального действия, если есть обоснованные подозрения, что операция будет использована для легализации преступных схем или финансирования терроризма.

- Речь идет о действиях, связанных с совершением финансовых операций, то есть с исполнительной надписью, принятием денег в депозит нотариуса, о решениях об увеличении уставного капитала ООО и других. В этом случае каждый документированный отказ в нотариальном действии будет фиксироваться, а сведения о нем - передаваться в Росфинмониторинг в течение трех дней. Я рассказываю о новациях, чтобы каждый понимал, что время легких денег прошло - государство затягивает гайки, чтобы остановить масштабную коррупцию, проникшую во все сферы экономики. Госдума приняла во втором и третьем чтениях закон, устанавливающий обязательную нотариальную форму для тех же договоров дарения недвижимости между гражданами, в мошеннических схемах которых между сторонами зачастую выступают близкие родственники.

Она называет несколько случаев, когда, к примеру, пожилой человек оказался на улице, купившись на обещания заботиться и помогать материально в обмен на жилье. Также распространены случаи прямого обмана, когда пожилому человеку под видом договора купли-продажи подсовывают на подпись договор дарения. При этом зачастую имущественные интересы собственника жилья нарушают, опять-таки, близкие родственники.

Более того, доверие к супругу, сыну или внучке делает дарителя еще более уязвимым и менее осторожным. Именно поэтому обязательную нотариальную форму для договоров дарения жилья важно распространять и на случаи, когда сделка происходит внутри семьи.

Нотариус с большим стажем, Халимат Рамазановна напоминает, что доказать недействительность сделки, когда она заключалась в простой письменной форме, крайне затруднительно. Судебные тяжбы могут длиться годами, а издержки с учетом актуальных судебных госпошлин могут оказаться неподъемными, особенно если истцом выступает пенсионер.

Не допустить непоправимого...

- Участие нотариуса, - замечает Халимат Рамазановна, - не позволит ввести собственника в заблуждение и незаконно отобрать его жилье. Я обязательно разъясняю сторонам суть и последствия подписания каждого документа, уточняю реальную волю сторон, чтобы исключить риски подписания сделки под давлением или в неадекватном состоянии. Что важно - каждый нотариус несет полную имущественную ответственность за удостоверенную им сделку. И при подозрении на аферу должен отказаться от совершения нотариального действия.

На вопрос, из чего складывается стоимость оформления сделок, подлежащих обязательному нотариальному удостоверению, нотариус объясняет, что сумма складывается из федерального и регионального тарифов. Первый рассчитывается как 0,5% от суммы сделки и не может превышать двадцать тысяч рублей. А региональный тариф зависит от субъго

екта РФ, где проводится сделка.

Суждения Халимат Рамазановны можно отнести к личностной позиции неравнодушного человека. Она и в семье такая.

- У нас с супругом двое детей, - говорит она, - каждый из которых должен знать, что необходимо творить добро, быть неравнодушным человеком, из него обязательно должен получиться гражданин своей страны.

И для нее это не высокие слова.

Так семья или работа?

Спрашиваем, что у Халимат Рамазановны на первом месте – семья или работа. Она задумывается:

– Нельзя противопоставлять одно другому. Семья, близкие всегда для женщины остаются на первом месте. Но и профессиональное предназначение не менее важно. Так или иначе, при рассмотрении очередного дела невольно переключаешь ситуацию на свою семью, друзей, близких. И знаете, это помогает оставаться человеком, для которого нет ничего важнее, чем нести добро людям....



2 / 2025

Детские стоматологи – немного актёры и психологи

Клиника «Алиса-дент» больше похожа на престижный детский сад: множество игрушек, на стенах — сюжетные рисунки к сказке «Алиса в стране чудес».

По словам главврача детской стоматологии и соучредителя клиники, врача со стажем работы около двух десятков лет, врача высшей категории Нателлы Богдановны Магдиевой, здесь детей учат не бояться стоматологов, а дружить с ними. Хрупкая и нежная, утонченная и элегантная даже в медицинской униформе и ярко-красном, в цветочек, колпаке, она рассказала о своей любимой работе и немного о себе.

За плечами Нателлы Магдиевой – колоссальный опыт; доктор знает, как найти подход к любому ребенку. Она лечит зубы даже совсем крошечным пациентам, пока те крепко спят. Специалист-стоматолог, терапевт-хирург, она раскрыла секреты успеха их клиники. Оказывается, это особое отношение к детям. Нателла Богдановна развеяла мифы и страхи про общий наркоз и седацию, детский кариес и лечение молочных зубов.

О своей работе говорит увлеченно, ведь она потомственный стоматолог, и перед ней не стоял вопрос выбора профессии. Ее отец, Богдан Гаджиев, после окончания ДГМИ по распределению попал в Таджикистан. Там и родились Нателла и две ее сестры. В годы перестройки их семья вернулась в Дагестан. Окончив школу в Буйнакске, Нателла Магдиева поступила в ДГМУ. В 19 лет вышла замуж. Со студенческих лет стала вести практику в частной клинике, а в 2015 году прошла специализацию по детской стоматологии. Долгое время работала в государственной стоматологии и вела параллельно частную практику. Удивительно, что учеба и работа не помешали ей стать прекрасной матерью четверых детей, из которых пока только старшая дочь пошла по стопам матери; сын выбрал профессию юриста, а двое старшеклассников – сын и дочь – пока еще не определились с профессией.

За годы работы Нателла Богдановна серьезно заявила о себе как о высококлассном специалисте. Она практикует не только как детский, но и как взрослый стоматолог и, кроме того, является владельцем своей собственной лаборатории по сдаче и приему медицинских анализов, обследованию сердца – для удобства пациентов прямо в этой же клинике. По ее убеждению, прежде чем начать медицинское вмешательство в организм ребенка или взрослого, нужно тщательно обследовать пациента во избежание осложнений. Ведь главная заповедь врача: не навреди!

- К любому медицинскому вмешательству должны быть четкие показания. Перед тем как ввести ребенка в наркоз, делаются все необходимые анализы. В процессе подготовки пациент проходит скрининг, врачи собирают анамнез, определяют факторы риска. При выявлении каких-либо нарушений состояния здоровья, например, воспалительного процесса, ОРЗ или ОРВИ, мы отказываем в процедуре и отправляем пациента к педиатру долечиваться. Если всё хорошо, назначаем дату лечения. К особенным детям с инвалидностью у нас ещё более трепетное отношение, - рассказывает собеседниНателла Магдиева не только хороший врач, но и хороший руководитель, она отзывчивая и справедливая, готовая всегда поддержать; и замотивирует, и даст веру, и научит. Жена, мать, руководитель и предприниматель, она умело сочетает в себе все эти важные качества. А еще, родившись в Таджикистане, она большой патриот своей малой этнической родины. Корни Нателлы идут из села Куркли Лакского района, где часто проводит время вся семья.

Главврач клиники сама лечит маленьких пациентов под наркозом, занимается удалением зубов, делает пластику уздечки, выполняет маленькие хирургические операции. На протяжении 18 лет к ней приходят пациенты с различными заболеваниями ротовой полости.

– Расскажите о главных принципах работы вашей команды.

– Для нас дети – это святое! Принимая на работу специалистов, мы говорим: вы должны к каждому маленькому пациенту относиться так, как хотели бы, чтобы относились к вашему ребенку. Представьте, что в кресле сидит не просто ребенок, а ваша дочь или сын.



В нашем коллективе работают лучшие терапевты, хирурги, ортодонты, анестезиологи-реаниматологи.

— Лечение детей под общим наркозом всегда вызывает много вопросов. В ка-ких случаях необходима такая мера?

- Существуют прямые показания к применению общего наркоза. Первое и самое главное – возраст ребенка от о до 3 лет. Пока ребенок не говорит, доктор не может наладить с ним вербальную связь, которая необходима для эффективного и комфортного лечения. Второе показание – стоматофобия. Третье показание к общему наркозу – особые дети с диагнозом, из-за которого они не могут лечиться в условиях добровольного приема. Сюда же можно отнести детей-аллергиков, которым противопоказана анестезия.

Наркоз позволяет за один прием вылечить сразу несколько зубов, сэкономить время и нервы. Это, кстати, актуально и для иногородних пациентов. Они приезжают к нам после онлайн-консультации.

– Какой вид наркоза применяют в «Алиса-дент»?

– Для лечения под наркозом в нашей клинике применяется газ «Севоран». В правильных руках процедура абсолютно безопасна для ребенка. Севоран не влияет на когнитивную сферу и память. По способу воздействия на организм такой наркоз можно сравнить с дополнительной порцией сна.

– Как Вам удается уговаривать малышей лечить зубы, сделать укол?

- В медуниверситете стоматологов не учат находить общий язык с детьми, этот навык приходит с практикой. Работать с детьми намного сложнее, хотя боятся даже взрослые. В детской стоматологии приходится балансировать и подбирать тактику поведения, которая подойдет конкретно этому ребенку. Доктор должен быть наполовину аниматором или актером, наполовину психологом. Мы часто собираемся с коллегами и отрабатываем техники коммуникации с детьми разного возраста. Доктора у нас разные, у каждого своя специфика общения с ребенком. Есть дети, которым нужно давать четкие указания - им подойдет доктор-учитель.



Тем, кто откликается на ласку, нужен доктор-мама. Игривым натурам будет комфортно с доктором-артистом. Мы стараемся, чтобы было комфортно не только нашим маленьким пациентам, но и их родителям.

– В каком возрасте нужно показывать ребенка стоматологу?

- Сегодня ВОЗ рекомендует привести ребенка к стоматологу, когда у него прорезывается первый зуб. Это необходимо, чтобы определить дальнейшие навыки ухода за полостью рта.

– Многие считают, что лечить молочные зубы необязательно, они ведь всё равно выпадут.

- Некоторые родители, зная, что зубы у ребенка временные, отказываются от необходимого лечения. Но проходит время: зуб, который беспокоил малыша, воспаляется, и его приходится удалять - сам по себе он, к удивлению мамы и папы, не выпалает. Потом на приеме у стоматолога оказывается, что нужно ставить сохранитель места, чтобы зубы не сдвинулись, и что этот зуб поменяется только в 12 лет. Не лечить молочные зубы нельзя. В этом возрасте твердые ткани не минерализированы и зубы склонны к быстрому разрушению. Если кариес не лечили в детстве, то он постепенно переходит в подростковый, и тогда поражаются уже не молочные, а постоянные зубы. Часто это происходит из-за недостаточной гигиены полости. Зубы должным образом не очищаются, они постоянно находятся в высокоуглеводной среде. Соответственно, когда появляется небольшое поражение на эмали, оно очень быстро распространяется по поверхности зуба. Согласно исследованиям, сегодня около 30 % детей в возрасте от о до 3 лет имеют проблемы с зубами. То есть уже можно говорить об эпидемии кариеса детей младшего возраста.

Безопасность здесь превыше всего. Какие знания, технологии, оборудование вам в этом помогают?

Мы работаем только по стандартным мировым протоколам.

На самом деле можно открыть самую большую клинику, оснастить ее самым дорогим оборудованием, выучить все современные протоколы. Но если во всём этом нет души, ничего не получится.

Нам удалось собрать команду высококлассных специалистов и единомышленников, у них горят глаза, они влюблены в свою работу. И мы все объединены одной целью – сделать жизнь наших пациентов здоровой и счастливой.

Виолетта Ратенкова



Мушаилов М. Х. (1941—2007). День Победы — встреча с ветеранами республики (1985). Холст, масло.

ИНДЕКС ПМ827



Свободная цена 6 +